



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը


You are free to:

Share — copy and redistribute the material in any medium or format

Adapt — remix, transform, and build upon the material







ԳԱՆՁԱՐԱՆ
ԱՂՋՈԹԻՑ

243
9-27

ԳԱՆՉԱՐԱՆ

ԱՂՈԹԻՑ



ԲՈՅԱՏՐՈՒԹԵՍՄԲ

ԱՐԱՐՈՂՈՒԹԵԱՆՑ

Ս.ՊԱՏԱՐԱԳԻ

ԵԽ ՆՇԱՆԱԿՈՒԹԵԱՄԲ

ԶԳԵՍՏՐՈՒՑ ՊԱՏԱՐԱԳՉԻՆ

ԲՈՎԱՆԴԱԿԵԱԼ

Ի ՀՈԳԵՒՈՐ ՄԱՏԵՆԻՑ Ս.ՀԱՐԹ

Ի ՊԵՏԱ

ԶԵՐՄԵՌԱՆԴՆ ԱՂՈԹԱՍԻՐԱՑ

Բ.ՑՊԱԴՐՈՒԹԵԿԻՆ



Ի ՏՊԱՐԱՆԻ

ԱՌԱՔԵԼԱԿԱՆ ԱԹՈՈՈՑ

ՄՐԲՈՅ ՅԱԿՈՎԵԱՆՑ

ՅԵՐՈՒՍԱՆԿՄ

1891

Հ.Ս.Ա.52869-Ն
274 Տ.Ա. 0.Բ. 0

Ի ՀԱՅՐԱՊԵՏՈՒԹԵԱՆ

Տ. Տ. ՄԱԿԱՐԱՅ

Վ. ԵՀՈՒ.ՓԱ. ԿԱ.Թ.ՈՒ.ԻԿՈՒԽ

Ա.ՄԵՆԱՅՆ ՀԱՅՈՑ

ՀՐԱՄԱՆԱԿ

ՊԱՏՐԻԱՐՔԻ Ս. ԵՐՈՒՍԱԼԵՄԻ

Տ. ՅԱ.ԹՈՒԹ.ԻՒՆ

ՄՐԵԱԶԱՆ ԱՐՔ ԵՊԻՍԿՈՊՈՒԽ

Ե.Ի.

Ի ՊԱՏՐԻԱՐՔՈՒԹԵԱՆ Գ. ՊՈ. ՍՈ.Ց

Տ. ԽՈՐԵՆԱՅ

ՄՐԵԱԶԱՆ ԱՐՔ ԵՊԻՍԿՈՊՈՒԽ

ՀԱՅԱՍՏԱՆԻ ՀԱՅԱՍՏԱՆԻ ՀԱՅԱՍՏԱՆԻ

38796-67



ՀԱՅԱՍՏԱՆԻ

ԱՂՕԹՎ ՏԵՐՈՒԻՆԱԿԱՆ


Թրապէս պատուիրէ Փրկիչն մեր։
ԱՇԽԱՊԷՏ ԿՄՑԷՔ ԳՈՒՔ ՀԱՊԾՄՍ։
Մատ. 2. 9.։

Հայր մեր, որ յերկինս ես,
սուրբ եղիցի անուն քո Եկեսցէ
Արքայութիւն քո Եղիցին կամք
քո որպէս յերկինս և յերկրի։
Զհաց մեր հանապազորդ տուր
մեզ այսօր։ Եւ թող մեզ զպար-
տիս մեր, որպէս և մեք թողաւմք



E. BAGROV

մերոց պարտապանաց : Եւ մի՛
տանիր զմեզ՝ ի փորձութիւն. այլ
փրկեա՛ զմեզ՝ ի չարէ : Զի քո՞չ
արքայութիւն, և զօրութիւն,
և փառք յաւիտեանս . Ամէն :



Ա. ՂՕԹՔ Ի ՄՏԱՆԵԼՆ ՅՈՒՆԿՈՂԻՆ

Դո՛ւ ես պաշտպան իմ, Տէր,
և 'ի ձեռու քո յանձն առնեմ
զհողի իմ :

Առաքեա՛, Տէր, զհրեշտակ
խաղաղութեան քո՝ որ եկեալ
պահեսցէ զմեզ յանխռովս՝ ի
տուէ և 'ի գիշերի :

Հալածեա՛ ի մէնջ, Տէր, նշա-
նաւ Խաչի քո զընդդիմամարտ
և զաներեւոյթ գաղանն, և մի՛
տար յապականութիւն զքո՞
ժառանգութիւնդ :




Ա.ՂՕԹՔ

ԶԱՐԹՆՈՒԼՆ Ի ՔՆՅՑ
Կնքելով զբեմոց նշանաւ որբոց Խաշին :

Յանուն Հօր Եւ Որդույ Եւ
Հոգույն Սրբոյ, Ամէն :

Օրհնեա՛ մեռեալն և յա-
րուցեալն՝ ի մեռելոց Քրիստոս
Աստուած, որ զարթոյց զիս՝ ի
մահականգոյն քնոյ, խաղաղու-
թեամբ անցուցանելով զգիւ-

շերս . աղաջեմ և խնդրեմ , զի
զմնացեալ ժամանակս խաղա-
ղութեամբ պահեսցէ շնորհիւ
և ողորմութեամբ իւրով . Ամէն :



ԱՂՋԹՔ

Ա. Ռ. Ա. Ի Օ Տ Ե Ա Ն

Ե Ւ

ԾԱԳՄԱՆ ՍՔԵԽՈՒ



Տէր , եթէ զշրթունս իմ բա-
նաս՝ բերան իմ երգեսցէ զօրհ-
նութիւնս քո : Օրհնեալ համա-
գոյւմ միասնական անբաժանելի
սուրբ Երրորդութիւն , Հայր և
Որդի և Հոգի Սուրբ , այժմ և

միշտ և յաւիտեանս յաւիտե-
նից . Ամէն :

Ի գիշերի եւ 'ի տունջեան
եւ յամենայն ժամու զքեզ ա-
ղաջեմք , և 'ի քէն խնդրեմք
մարդասէր Տէր : Լուր մեզ Աս-
տուած Փրկիչ մեր , խոնար-
հեցի ունկն քո 'ի խնդրուածս
մեր , զի մի' ունայն լիցին վաս-
տակիք ծառայից քոց : Ա. Յ. Հ Կա-
մարեա' զաշխատութիւնս մեր՝
'ի գործ արդարութեան եւ
'ի պտուղ Աստուած պաշտու-
թեան : Ընկա'լ , Տէր , զաղօթս
և զերկրպագութիւնս մեր , և
հատո' մեզ զողորմութիւն քո
առատապէս . ծածկեա' զմեզ

Ընդ հովանեաւ ամենազօր ա-
ջոյ քոյ։ Զօրացո՛ զմեզ, Տէր,
զօրութեամբ սուրբ Հոգւոյդ։
Պահեա՛ զմեզ որպէս բիբական։
Եւ արա՛ առ մեզ նշան բարի՝
ի գովեստ և՝ ի փառաբանու-
թիւն անուանդ քում սրբոյ։
Զի՝ ի քո փառս կատարի ամե-
նայն արարածոց մշտնջենաւոր
փառաբանութիւն՝ ի բարձու-
նըս, Հօր և Որդւոյ և Հոգւոյդ
Սրբոյ, այժմ և միշտ և յաւի-
տեանս յաւիտենից. Ամէն։



ԱՂՋԹԻ ՅԵՐՐՈՐԴ ԺԱՄՈՒ

Հոգի՛ Ասաւուծոյ, որ յայսմ

ժամու ահագին չնչմամբ իջեր
'ի վերնատունն բաժանելով
զհրեղէն լեզուս, է՛ջ և առ մեզ
յերրորդ ժամուս և լից զմեզ
ամենայն բարութեամբ քով՝
իբրեւ զսուրբ վԱռաքեալոն,
հանգչելով՝ իսիրտս մերյաւի-
տեանս յաւիտենից. Ամէն։



ԱՂՋԹԻ

Ի ՄՏԱՆԵԼ ՅԵԿԵՂԵՑԻՆ

Զայր արիւնահեղ և զնեն-
դաւոր պիղծ առնես դու, Տէր.
այլ ես ըստ բազում ողորմաւ-
թեան քում մտից՝ ի տուն քո՝
եւ երկիր պագից՝ ի տաճար
սուրբ քո երկիւղիւ քո։

Եղիցին քեզ հաճոյ բանք
բերանոյ իմոյ , և խորհուրդք
սրտի իմոյ առաջի քո յամե-
նայն ժամ , Տէր օգնական իմ
և Փրկիչ իմ :

Մի՛ թողուր զիս , Տէր Աստ-
ուած իմ , և մի՛ ի բացեայ առ-
նիր յինէն . հայեաց յօդնել
ինձ , Տէր , փրկութեան իմոյ :



Ա.ՂՕԹՔ

ՅԵԼԱՆԵԼՆ ՅԵԿԵՂԵՑԻՈՅՆ

Ոզորմութիւն քո , Տէր , ըզ-
հետ իմ եկեսցէ զամենայն տ-
ւուրս կենաց իմոյ , բնակիլ
ինձ ՚ի տան Տեառն զամենայն
աւուրս կենաց իմոյ :

Ա.ՂՕԹՔ

ՍՈՒՐԲ ՊԱՏԱՐԱԳԻ

Ըստ ծիսի և ըստ աւանդութեան
Հայաստանեայց Առաքելական կոմու-
ղիկէ Ա . Եկեղեցւոյ՝ արարողութիւնք
և պաշտամունք ՚ի ժամու կատարման
խորհրդայց Սուրբ Պատարագի , հան-
գերձ նշանակութեամբ զգեստուց Պա-
տարագշնն :

ՔԱՀԱՆԱՅՆ

Նշանակէ զՏէր մեր : որ եղեւ
Ճշմարիտ Քահանայ յաւիտեան ըստ
կարգին Մելքիսեդեկի . եւ զննքն ՚ի
ներքոյ տեսակաց Հացի և Գինւոյ՝ Հօք
Աստուծոյ պատարագեաց :

ՍԱՂԱԻԱՐՏՆ

Նշանակէ զղօրութիւն յաղթու-
թեան Տեառն մերոյ , որով եւ ՚ի պա-

տերազմ՝ ընդգեմ Բելմարաց, և արար
զիբկութիւն աղքի մարդկան :

ՇԱՊԻԿՆ

Աշանակէ զանմեղութիւն և զմաք-
րութիւն վարուց Տեառն մերց, և
զմայլումն նորին երանական տեսու-
թեամբ էութեանն Ասոսուծոյ :

ԳՈՏԻԿ

Աշանակէ զողախոհութիւն Տեա-
ռն մերց և զանիառնութիւն նորին
՚ի զգայականաց ցանկութեանց :

ԲԱԶՊԱՆՑ

Աշանակէ զյօժարութիւն սրտի
և զպատճասութիւն Տեառն մերց
առ ՚ի կատարել ղճաճութիւն Հօրն
երկնաւորի :

ՈՒՐԱՐԾ

Աշանակէ զնաշանդութիւն Տեա-
ռն մերց առ ՚ի լնուլ զկենսագործ
ամորէնութիւնն իւր՝ ըստ նախասահ-
մանութեան Հօրն երկնաւորի :

ՇՈՒՐՃՈՒՆ

Աշանակէ զլբուժն ամենայն առա-
բինութեանց, որով զարդարեալ էր
մարդկութիւն Տեառն մերց ՚ի սկզբա-
նէ յղացման իւրոյ :

ՄՏԱՆԵԼՆ ՔԱՀԱՆԱՅԻԿ

Ի ԱՐԲԱԶՆԱՏՈՒՆ

Աշանակէ զիջումն Բանին Աստուծոյ
՚ի յարգանդ Ամենօրէնեալ կուսին
Մարիամու :

ԶԳԵՍՏԱԻՐԵԼՆ ՔԱՀԱՆԱՅԻԿ

Աշանակէ զներմարմնութիւնն Բանին
Աստուծոյ ՚ի յարգանդի Ամեներանու-
հոյ կուսին Մարիամու

ԵՐԳՆԵԼՆ ԴՊՐԱՅ

ԶԻՈՒՇՈՒԹԻՒՆ ԽՈՅԻՆ

Նշանակէ զաղըթս եւ զպաղատանս,
զոր Նախահարքն մատուցանէին առ
Աստուած վասն գալոտեան Տեառն
յերց :

Ա. ՂՕԹՔ


Այս Մարդարէիցն ձայն խըն-
կելի, որ զօրհնեալդ քո գալըս-
տեան զաղատարարդ հրաման
կանխաւ ազդէին, և զոր չէ բա-
նիւ նիւթեղին լեզուի 'ի թիւ
արկանել վասն անբաւութեան,
փոքունք են և նուազունք օ-
րինակք և նմանութիւնք, հինք
եւ ժամանակաւորք առ աւե-
տեացդ քո յայտնութիւն եւ

Խաչիդ վրկագործութիւն : Որ
յամենայն վայրի կառուցեր ըգ-
խորանն վկայութեան արեան
քո ու խտի, որք մեծարարքառ
միշտ աղաղակեն քան զդա-
տակնիք մակուն Հաբելի ըգ-
յաղթանակ բարեաց քումդ
հանդիսի 'ի կեանս կրկինս և
անմահականս, շնորհաց, մկըր-
տութեան, յարութեան, նորո-
գութեան, առ քեզ ընտանու-
թեան, ընդ Հոգւոյդ Սրբոյ մի-
ութեան, քաւութեան, ազա-
տութեան, լուսաւորութեան,
մշտնջենաւոր մաքրութեան,
խսկապէս երանութեան, ընդ
վերնայնոցն կցորդութեան ան-

20

կապուտ փառաց . 'ի շրթունք
մեր ճայնիւ բարձրելոյն հաշ-
տեցուցիչ բանից աղաջանք :
Եւ զոր ահաւորն է ասել , կար-
գեմ աստանօր յիշատակ եդ-
եալ մեծիդ երախտեաց , Աստ-
ուած իսկ լինիւընտրութեամբ
չնորհին , և ընդ հաստողիդ մի-
անալ Տէրունի մարմնոյդ ճա-
շակմամբ , և ընդ լուսոյդ կե-
նաց խառնութեամբ , զոր կա-
տարումն երջանիկ խոստման
ըստ Պօղոսի բանին , ոչ ուներ
օրէնն : Այլ դու փրկութիւն ,
եկիր հայրենիդ քո հարստու-
թեամբ , արարեր և կատարեցեր
զյուսոյն երկարաձգութիւն ,

որ առ քեզ սկահեալ անհամա-
ռօտելի՝ քաւիչ ամենայնի : Եւ
քեզ փառք ընդ Հօր քում , 'ի
գովեստ բարեբանութեան Հո-
գւոյդ քո Սրբոյ , յաւիտենից .
Ամէն :



ԵԼԱՆԵԼՆ ՔԱՀԱՆԱՅԻՆ

Ի ՍՐԲԱԶՆԱՏԱՆԵՆ

Նշանակէ զԾնունդն եւ զՅայտնու-
թիւն Տէառն մերոյ :

ԳՆԱԼՆ ՔԱՀԱՆԱՅԻՆ

ԱՌԱԶԻ ԲԵՄԻՆ

Նշանակէ զգնալ Տէառն մերոյ ընդ
աշակերտաց իւրոց 'ի լւսուն Զիթե-
նեաց :

ԱՂՅԹԻ

Տէր իմ Յիսուս Քրիստոս, որ
'ի մերձենալ ժամու չարչարա-
նաց քոց՝ վասն տագնապաց ո-
դւոյդ սկսար երկնչիլ և հոգալ
շնորհեա՛ մեղաւորիս՝ զի զա-
մենայն զհոգս և զտրտմութիւ-
նըս իմ՝ վերանուիրիցեմ քեզ
'ի պատիւ սրբազանից քոյոց
չարչարանաց, և արդեամբ քնո-
ցին ընդունիցիմ զփրկութիւն
հոգւոյ իմոյ :



ՀՈՒԱՆԱԼՆ ՔԱՀԱՆԱՅԻՆ

ԶԶԵՌՆ

Աշանակէ զարտառուելն Տեառն մերոյ
'ի լերինն Զիթենեաց :

ԱՂՅԹԻ

Տէր իմ Յիսուս Քրիստոս,
որ 'ի յաղօթելն քո առ Հայր՝
փղձկմամբ սրտի հեղեր զարտա-
սուս յաչաց քոց 'ի լուացումն
մեղաց նախահօրն . շնորհեա՛
մեղաւորիս զճշմարիտ զղջումն,
զի զտիւ եւ զգիշեր ողբալով
զյանցանս իմ և խոստովանե-
լով զմեզս իմ՝ ընդունիցիմ
զներումն և զթողութիւն յա-
մենառատ աղբերէդ կենաց :




ԱՍԵԼՆ ՔԱՀԱՆԱՅԻՆ

ԽՈՍՏՈՎԱՆԻՄ ԱՐԱԴԻ

Աշանակէ զանկանիլն Տեառն մերոյ ՚ի
վերայ երեսաց իւրաց, և զչեղունն յին-
քենէ զբբտունս արեան :

ԱՂՋԹՔ

Տէր իմ Յիսուս Քրիստոս ,
որ՝ի սաստկանալ երկանց քոց՝
զկայլակս արեան հոսեցեր՝ ի
մարմնոյ քումմէ , շնորհեա' մե-
ղաւորիս՝ զի՝ի պատիւ չարչա-
րանաց քոց , փոխանակ արեան՝
հեղից յաչաց իմոց զաղբիւրս
արտասուաց :



ԵԼԱՆԵԼՆ ՔԱՀԱՆԱՅԻՆ Ի ԲԵՄՆ

Նշանակէ զաղօթելն Տեառն մերս
բաղմցո ՚ի լւրինն Զիթենեաց :



ԱՂՋԹՔ

Տէր իմ Յիսուս Քրիստոս ,

որ յաղագս անանդորրութեան
սրտի քո՝ չոքար կրկին և երեք-
կին աղօթել առ Հայր քո երկ-
նաւոր , շնորհեա' մեղաւորիս
զյարատեսութիւն՝ ի գործս բա-
րիս , զի արժանի լինիցիմ ըն-
դունել՝ ի քէն զիսնդրուածսիմ:



ԱՍԵԼՆ ՔԱՀԱՆԱՅԻՆ

Ի ՅԱՐԿԻ ՍՐԲՈՒԹԵԱՆ

Նշանակէ զՃնրագրութիւն Տեառն
մերս ՚ի պարտիցն Զիթենեաց :

ԱՂՋԹՔ

Տէր իմ Յիսուս Քրիստոս , որ
ծունը կրկնելով առ Հայր քո
երկնաւոր՝ աղօթեցեր մարդ-

կաբար՝ զի անցցէ 'ի քէն բա-
ժակ չարչարանացն . շնոր-
հեա' մեղաւորիս՝ զի յաւէտ
ծունիր կրկնելով երկրպագա-
նիցեմ կենսատուիդ իմում
հոգւով և ճշմարտութեամբ :



ՀԱՄԲՈՒՐԵԼՆ ՔԱՀԱՆԱՑԻՆ ԶՍԵՂԱՆՆ

Նշանակէ զմանիին Տեառն մերոյ :

ԱՂՕԹՔ

Տէր իմ Յիսուս Քրիստոս , որ
համբուրիւնենգութեան մատ-
նեցար 'ի Յուդայէ . շնոր-
հեա' մեղաւորիս՝ զի անխար-
դախս սրտիւ պաշտիցեմ զքեզ

զամենայն աւուրս կենաց ի-
մոց . և միշտ պատրաստ լինի-
ցիմ առ 'ի կատարել զպաշտօն
սիրոյ՝ 'ի դէմս սիրելեաց եւ
ատելեաց իմոց :



ԵՐԳԵԼՆ ԴՊՐԱՅ

ԶՄԵՂԵԴԻ

Նշանակէ զմոսիին Տեառն մերոյ քաղց-
րութեամբ ընդ Յուդայի՝ եւ ընդ ամ-
բոխին 'ի պարտիզի :

ԱՂՕԹՔ

Տէր իմ Յիսուս Քրիստոս ,
որ վասն փրկութեան իմոյ
ընդ դաւաճանողաց թշնա-
մեաց քոյ քաղցրութեամբ

և հեզութեամբ անդսրբաբար
խօսեցար ընդ նոսա , չնորհեա՛
մեղաւորիս՝ զի ըստ օրինակի
կենսատուիդ . իմում ընդ ամե-
նայն հալածչաց իմոց և ատե-
լեաց՝ համբերութեամբ և եր-
կայնմտութեամբ վարիցիմ 'ի
փառս անուանդ քում սրբոյ :



ԻԶԱՆԵԼՆ ՔԱՀԱՆԱՑԻՆ Ի ԲԵՄԵՆ

Նշանակէ զկապին և զածին Տեռու-
մերոյ 'ի պարտիզէն Զիթենեաց 'ի պա-
րան Անայի:

Ա.Դ.ՕԹ.Բ.

Տէր իմ Յիսուս Քրիստոս , որ

'ի յանողորմից և 'ի յամբարըշ-
տաց Հրէից ըմբանեցար , կապե-
ցար և ածար իբրեւ զպարտա-
ւոր , չնորհեա՛ մեղաւորիս՝ զի
արդեամբ չարչարանաց քոց՝
արձակիցիմ 'ի կապանաց մե-
ղաց իմոց , և կապակցիցիմ սի-
րով ընդ քեզ հաստատապէս :



ԵՐԳԵԼՆ ԳՊՐԱՑ

ՈՐ ԳԵՐԱԳՈՅՆ

Նշանակէ զաղաղակ գոլրացն և փա-
րիսեցւոց 'ի պալատին :

Ա.Ղ.ՕԹ.Բ.

Խոստովանիմ եւ հաւատամ
ամենակատար , ինքնակատար

և նախակատար, զհամագոյ և
զպաշտելի, երկրպագելի եւ
գերագոյ զամենասուրբ զԵր-
բորդութիւնն՝ զայր և զՈրդի
և զՍուրբ Հոգին: Հայր անծին
և անսկիզբն՝ ծնող Որդւոյ և
յառաջառաքող Հոգւոյն Սրբոյ:
իսկ Որդին ծնեալ՚ի Հօրէ նախ-
քան զյաւիտեանս անմարմնա-
բար և անժամանակալէս: Եւ
Հոգին Սուրբ Բղխեալ՚ի Հօրէ
անհատաբար և անսպառապէս,
համագոյակից Հօր և փառակից
Որդւոյ: Միութեամբն բաժա-
նեալ յերիս յանձինս, և Եր-
բորդութեամբն միացեալ՚ի մի
բնութիւն և՚ի մի Աստուածու-

թիւն: Եւ արդ՝ աղաչեմք ըգ-
քեզ Հայր Երկնաւոր, միջնոր-
դութեամբ Միածնի Որդւոյ
քո, և գթութեամբ Հոգւոյդ
Սրբոյ, տուր մեզ, Տէ՛ր, Հոգի
զգասառութեան, Հոգի խոր-
հըրդոյ, Հոգի հեղութեան,
Հոգի զօրութեան, Հոգի իմաս-
տութեան, Հոգի գիտութեան,
Հոգի երկիւզի եւ աստուած-
պաշտութեան. և լից ամենայն
բարեգործութեամբ, որպէս զի
զկամս քո արարեալ յայսմաշ-
խարհի, եղիցուք արժանի ո-
վորմութեան քում՚ի հանդեր-
ձելումն շնորհօքն Քրիստոսի.
ընդ որում քեզ եւ Հոգւոյդ

Սրբոյ վայելէ փառք, պատիւ և
երկրպագութիւն յաւիտեանս
յաւիտենից . Ամէն :

Տէր իմ Յիսուս Քրիստոս,
որ հեզութեամբ և խոնարհու-
թեամբ համբերեցեր խրոխ-
տանաց և սալառնալեաց դըպ-
րաց եւ փարիսեցւոցն վասն
փրկութեան իմոյ, չնորհեա'
մեղաւորիս, զի երկայնմտու-
թեամբ համբերիցեմ ընդդէմ
ամենայն ոտնահարութեանց
երեւելեաց եւ աներեւութից
թշնամեաց իմոց :



ԴԱՌՆԱԼՆ ՔԱՀԱՆԱՑԻՆ
Ի ԲԵՄՆ

Նշանակէ զտանին Տեառն մերց
ի պալատն Պիղատոսի :

ԱՂՋԹՔ

Տէր իմ Յիսուս Քրիստոս,
որ 'ի քահանայիցն և 'ի ծերոցն
մատնեցար իբրև զմահապարտ
'ի ձեռն Պիղատոսի, չնորհեա'
մեղաւորիս զի զօրութեամբ
չնորհաց քոց ազատիցիմ 'ի
մատնութենէ 'ի ձեռս իշխա-
նին խաւարոյնոյ և արբանե-
կաց նորին :



ԵՐԳԵԼՆ ԴՊՐՍՑ

ԶԵՄՐԱԿԱՆ

Նշանակէ զամբաստանութիւն և զարախոսութիւն ամբոխին ժողովելու :

ԱՂՅԹՔ

Իւղ թափեալ անուն՝ միածին Որդի Աստուծոյ՝ Աստուածաշմարիտ, որ յանձառ ական փառաց խոնարհեցար՝ ի հայրական ծոցոյ, և առեր զմարմին՝ ի սուրբ և յանշաղախ կուսէն Մարիամայ. Եղեր մարդ ճշմարտապէս՝ անփոփոխելիդ՝ ի յէութեան, անցանելով ընդ ամենայն կիրս մարդկային՝ բաց՝ ի մեղաց.՝ ի յերկրի երեւեցար և ընդ մարդ-

կան շրջեցար, և կատարեցեր զամենայն լստ օրինացն, լրումն լինելով Մարգարէից և օրինաց զանիմանալի և զանհասանելի անուշահոտութիւն Աստուածութեանդ բուրեցեր յաշ- խարհի՝ հաղորդելով զամենե- սեան երկնաւոր և առատու- բաշխ պարգեւիդ, ՚ի յոր կը- ցորդիլն զմայլեալ անմահացան տիեզերք : Եւ արդ՝ դու նոյն ինքն բարերար եւ բազումո- զորմ, բաց զքիմս մտաց իմոց հոտոտիլ՝ ի հոտոյ անուշից մարմնոյ Աստուածութեան քո, և ընկա՛լ զաղօթս մեր իբրիեւ զխունկ անոյշ և որպէս զՊա-

տարագն Աբելի, Նոյի և Աբրահամու, եւ իբրեւ զբանաւոր պատարագս սրբոց քոց և սիրողաց անուան քո, որքի սկըզբանէ հաճոյ Եղեն քեզ, որոց մասին եւ մեզ լիցի ժառանդութիւն շնորհօք Միածնից, այժմ և միշտ և յաւիտեանս յաւիտենից . Ամէն :



ԵՐՉԱԲԵՐԵԼՆ ՔԱՀԱՆԱՅԻՆ
ԶՍՈՒՐԲ ԱԽԵՏԱԲԱՆ
ՆԵՇԱՆԱԿԵ ՊՐՓՈՒԹԻՄԱ Տեառն մերոյ
Դասանէն Պիզասասի առ տունն Հերալդի:

ԱՂՋԹԻ

ՅԵՏ ՍՈՒՐԲ Ա.ՍՏՈՒԱԾԻՆ
Սուրբ Աստուած անմահ և

Հզօր որ սրբաբանեալ պաշտիս
՚ի Հրեղէն եւ անմարմին զըս-
ւարթնոցն, տնլուելի եւ ան-
դադար օրհնաբանութեամբ .
զօր և Սերովիքն սոսկալի և
ահեղագոչ ձայնիւ երգեն դեր-
գըս երեքսրբեան՝ բարեբանե-
լով թզանմահ Տէրութիւնդ ,
և Քերովիքն գովասանական
ձայնիւ փառաւորեն զանբա-
ւազօր Աստուածութիւնդ , և
ամենայն զօրութիւնքն Վեր-
նական գոհաբանեն երկրպա-
դութեամբ, փառաւորելով զտ-
մենազօր Թագաւորութիւնդ ,
Բնդ որս և մեք բանաւոր հօտ
քո , և ստեղծաւածք անարատ

Ճեռաց քոց, ժողովեալ 'ի գա-
ւիթ սուրբ Եկեղեցւոյ քո՝ կա-
լով առաջի Սատուածընկալ
սուրբ Սեղանոյս՝ տկար ան-
ձամբ եւ մեղաւոր շրթամբք
երդեմք զերգս երեքսրբեան
սրբասացութեամբ, և աղաչեմք
զառատաբաշխ դթութիւնդ.
ընկալ զալտուղ շրթանց և ըգ-
րանաւոր Պատարագս սրտից
մերոց 'ի հաճոյս քո ըստ վեր-
նոցն արժանաւորութեան, և
թող մեղ զամենայն յանցանս
մեր, զկամայ և զակամայ, ըգ-
գիտութեան եւ զանդիտու-
թեան, զմտաց և զխորհրդոց,
զբանից և զգործոց, զհոգւոց

և զմարմնոց, և զամենայն մա-
սանց անդամոց, որպէս զի
լիցի մեղ կարողութիւն ար-
ժանապէս օրհնել զքեղ և գո-
վել զանուն քո սուրբ: Տուր
մեղ, Տէր, մաքրութիւն մտաց,
զզջումն սրտից, ճշմարտու-
թիւն շրթանց, զարտասուս
աչաց, ամբծութիւն հոգւոց,
և սրբութիւն մարմնոց: Լցո՛
զմեղ ամենայն առաքինու-
թեամբ, պայծառ հաւատով,
աներկբայ յուսով եւ մաքուր
սիրով: Եւ զսրդարեա՛ զմեղ
խոհեմութեամբ, ողջախոհու-
թեամբ, արիութեամբ և ար-
դարութեամբ: Զօրացո՛ զմեղ

յաղթող լինիլ ընդդէմ հնարից բանսարկուին, և զամենայն նետս մուխս չարին շիջուցանել. արդարութեամբ և աստուածաւատութեամբ կալ մընալ յաշխարհի ըստ հաճոյից և ըստ կամաց քոյց, և յետ աստի կենացս զանձառ բարիան վայելել Տերամբ մերով. որում փառք եւ զօրութիւն յաւիտեանս. Ամէն.

Տէր իմ Յիսուս Քրիստոս, որ վասն իմ 'ի յանօրինաց արհամարհեցար և այպանեցար. շնորհեա' մեղաւորիս զի օգնութեամբ սրբազնից քոյոց չարչարանաց զերծանիցիմ 'ի

խայտառակութենէ սարսափելի հրապարակին :

ՅԵՒ

ԸՆԹԵՌՆՈՒԼՆ ԶԳԻԲՍ
ՄԱՐԳԱՐԵԱԿԱՆՍ
ԵՒ ԶԱՌԱՔԵԼԱԿԱՆՍ


Նշանակէ զհարցաբննութիւն Հերով.
ուի և Փիղառափ

Ա.ՂՕԹ.Ք

ՑԵՏ ՈՒՆԿԵԴՐՈՒԹԵԱՆ
ԸՆԹԵՐՑՈՒԱԾՈՅՆ

Տէր իմ Յիսուս Քրիստոս, որ վասն իմ իբրեւ զպարտաւոր եւ վնասագործ կացեր 'ի յատենի դատաւորացն մեծաւ խոնարհութեամբ, շնորհեա' մե-

զաւորիս , զի 'ի միւսանգամ
քո դալստեանն զուարթերես
մատչիցիմ առ դատաւորդ իմ
երկնաւոր :



ԸՆԹԵՌՆՈՒԼՆ
ԶՍՈՒՄԲ ԱԽԵՏԱՐԱՆՆ

Նշանակէ զպատասխանիս Տեառն
մէրց , զոր ետ Պիզատոսին

ԱՂՕԹՔ

ՑԵՏ ՈՒՆԿՆԴՐՈՒԹԵԱՆ
ԸՆԹԵՐՑՈՒԱԾՈՑՆ

Տէր իմ Յիսուս Քրիստոս , որ
կալով առաջի Պիզատոսի՝ վկա-
յեցեր ճշմարտութեան , շնոր-
հեա՛ մեղաւորիս , զի հաւատով
և սիրով քո ամրացեալ՝ ոչ եր-

կիցեմ 'ի յանօրինաց և 'ի յան-
հաւատից բռնաւորաց , այլ
համարձակապէս խոստովանիմ
զքեզ Աստուածդ իմ ճշմարիտ՝
մարմնացեալ , չարչարեալ եւ
խաչեցեալ վասն փրկութեան
իմոյ :



ԸՆԹԵՌՆՈՒԼՆ
ԶՀԱՒԱՏԱՄՔՆ

Նշանակէ զուրացումն Պետրոսի
առաքելցն :

ԱՂՕԹՔ

ՑԵՏ ԶՈՅԳ ԱՍՈՒԹԵԱՆ
ՀԱՒԱՏԱՄՔԻՆ

Տէր իմ Յիսուս Քրիստոս , որ
ըստ աստուածայնոյ քում տը-

բամադրութեան՝ թոյլ ետուր
Պետրոսի զքեզ մարդկապէս
ուրանալ. շնորհեա՛ մեղաւո-
րիս, զի զքեզ միշտ ընդ Հօր
և ընդ Հոգւոյդ սրբոյ՝ մի Աս-
տուած ճշմարիտ խոստովա-
նիցիմ, և հաւատայցեմ և դա-
ւանիցեմ:



Դ.Ս.Ո.Յ.Ա.Ն Ք.Ա.Հ.Ա.Ն.Յ.Յ.Ի.Ն
Ա.Բ. Ֆ.Ո.Ղ.Ա.Վ.Ա.Խ.Դ.Մ Ա.Ս.Ե.Լ.Ո.Վ.
Խ.Ս.Դ.Ա.Ջ.Խ.Թ.Ի.Ի.Ն
Նշանակէ զգաւոնալն Տեառն մերս
առ Պետրոս :

Ա.Ղ.Օ.Թ.Ք.

Տէր իմ Յիսուս Քրիստոս, որ
Աստուածայնով քով գլու-

թեամբդ դարձար և ակնար-
կեցեր առ Պետրոս՝ տալով նմա-
զղումն և զյորդումն արտա-
սուաց. շնորհեա՛ մեղաւորիս
զճշմարիտ զղջումն սրտի, զի
զտիւ և զգիշեր ողբալով զսը-
խալանս իմ՝ ընդունիցիմ զնե-
րումն եւ զթողութիւն ամե-
նայն մեղաց իմոց :



Ա.Ո.Ն.Ո.Ւ.Լ.Ն Ս.Ա.Բ.Կ.Ա.Խ.Գ.Ի.Ն
Ի Գ.Լ.Խ.Ո.Յ Ք.Ա.Հ.Ա.Ն.Յ.Յ.Ի.Ն
Զ.Ա.Ա.Դ.Ա.Խ.Ա.Ր.Տ.Ն
Նշանակէ ղմերկացուցանելն Տեառն
մերս ՚ի զինուորաց :

Ա.Ղ.Օ.Թ.Ք.

Տէր իմ Յիսուս Քրիստոս,

որ վասն փրկութեան իմոյ ըպ-
գեստս նախատանաց զգեցար,
գանից և ապտակաց համբե-
րեցեր . շնորհեա' մեղաւորիս,
զի 'ի ձեռն ապաշխարութեան
մերկանայցեմ յինէն զգեստս
պղծութեան , և զգենուցում
զնորհդ քո երկնային և կա-
պակցեցայց ընդ քեզ, զի դու
ես վերականդնիչ իմ :



ԵՐԳԵԼՆ ԴՊԲԱՑ
ԶՄՐԲԱԾԱՑՈՒԹԻՒՆՆ

Նշանակէ զկատակիլն Տեառն մ.րց
՚ի զինուորաց :

ԱՂՅԹԻ

Տէր մեր Յիսուս Քրիստոս ,

Որդի Աստուծոյ և Բան Հօր ,
որ ըստ անձառ բարերարու-
թեան քո ոչ կամեցար անտես
առնել զարարածո ձեռաց քոց ,
այլ մարդասիրապէս գթացար
յազգս մարդկան . խոնարհե-
ցար 'ի հայրական ծոցոյ Է՛դ՝
Աստուած , առեր զմարմին 'ի
սուրբ Կուսէն Մարիամայ կա-
մաւ Հօր և հաճութեամբ սուրբ
Հոգւոյն , զամենայն զմարդ-
կայինս յանձն առեր կրել բաց
'ի մեղաց եւ զաստուածային
մարմինդ քո ետուր փրկանս
փոխանակ բազմաց , ըստ կան-
խասացութեան անշուշտ հը-
րամանի քո՝ խաչի եւ մահու

համբերելով : Հովիւդ քաջ ,
զանձն քո եղեր 'ի վերայ բա-
նաւոր հօտի քո , ժողովել ըլ-
ցրուեալսն 'ի փարախ Կաթո-
ղիկէ սուրբ Եկեղեցւոյ քոյ ,
Անիլ մի հօտ եւ մի հովիւ :
Վասն որոյ՝ մեք ժողովուրդք
և խաչն արօտի քո՝ Երկրամած
դիմօք խոնարհեալ ե . 'ի ծուն-
կըս անկեալ աղաչեմք զանբաւ
մարդասիրութիւն քո . մի՛ թո-
ղուրդմեզ 'ի ձեռաց քոց , և մի՛
անտես առներ զանբիծ ար-
եամբ քո փրկեալ հօտս . մի՛
տար զմեզ 'ի փորձ թշնամւոյն
և հակառակորդին մերոյ . սըր-
բեա՛ զմեզ 'ի մեղաց և մաքրեա-

զմեզ յամենայն անօրէնու-
թեանց մերոց . լուա՛ զսիրտս
մեր 'ի խղճէ չարեաց , և փըր-
կեա զմեզ յանիրութեանց .
լոյս տուր , Տէր , աչաց մերոց ,
զի մի՛ երրէք ննջեսցուք 'ի
մահ , և մի՛ լիցի տեղի պար-
ծանաց թշնամւոյն , այլ խոր-
տակեալ ջաղխեսցի գլուխ նո-
րին գօրութեամբ ամենայաղթ
Խաչի քո , և տկարասցին զօ-
րութիւնք մեքենայից նորա ,
Եւ տուր մեզ անարդել և ան-
բռնադատ վճարել զկեանս մեր
ամենայն արդարութեամբ՝ հե-
տեելով լուսոյ շուղաց և երկ-
նաչու ճանապարհին : 'ի վայրի

դալարւոջ բնակեցս զմեզ եւ
առ ջուրս հանգստեան սնօ' .
զի տեսցէ թշնամին եւ ամա-
չեսցէ , զի քո եմք ստեղծեալք
և քո եմք փրկեալք . դու ես
օդնական և Փրկիչ մեր , զի բաց
'ի քէն զայլ ոք ոչ դիտեմք և
զանուն քո , Տէր , կարդամք զօր-
հանապաղ . մի' թողուր զժա-
ռանգութիւն քո 'ի ձեռաց քոց ,
այլ ամենազօր աջ քո՝ լիցի
հովանի և պահապան 'ի վերայ
ալաշտօնէից քոց բարեխօսու-
թեամբ սուրբ Աստուածածնին
եւ ամենայն սրբոց քոց , քեզ
փառք յաւիտեանս . Ամէն :

Տէր իմ Յիսուս Քրիստոս , ոք

վասն իմ փշով պսակեցար , և
եղեգամբ դանեցար 'ի Հրէից .
շնորհեան մեղաւորիս , զի զօ-
րութեամբ սրբազանից քոյոց
չարչարանաց զերծանիցիմ 'ի
փշոց մեղաց՝ և մերկանայցեմ
զամենայն հանգերձս չարու-
թեան , և լինիցիմ քեզ ճշմարիտ
երկրագուր՝ մինչ 'ի վախճան
կենաց իմոց :



ԵՐԱԲԵՐԵԼՆ ՔԱՀԱՆԱՑԻՆ

ԶԸՆԾԱՅՄՆ

Կշանակէ լածիլն Տեառն մերոյ ՚ի
Պիղատոսէ արտաքս առ Հրէայս :

ԱՂՕԹ·Բ

Տէր իմ Յիսուս Քրիստոս , ոք

վասն փրկութեան իմոյ ածիս
այսր և անդր իբրեւ զգառն
անմեղ, և իբրեւ զորոջ առաջի
կտրչի անմռունչ կաս . շնոր-
հեա' մեղաւորիս' զի ամենայն
վշտաց և տառապանաց կենցա-
ղոյս 'ի փառս անուանդ քում
սրբոյ՝ տռանց ձանձրանալց
համբերիցեմ:



ՀՈՒԱՆԱԼՆ ՔԱՀԱՆԱՑԻՆ ԶԶԵԽՍՆ

Կանակէ զուանալն Պիղատոսի զձեռո
իւր 'ի վկայութիւն անմեղութեան
Տեառն մերս :

Ա.ՂՕԹՔ

Տէր իմ Յիսուս Քրիստոս, որ

'ի յանիրաւ դատաւորէն Պի-
ղատոսէ լուացմամբ ձեռաց նո-
րին՝ անմեղ, անպարտ գոլ վկա-
յեցար . շնորհեա' մեղաւորիս
զի զամենայն աւուրս կենաց ի-
մոց 'ի մէջ զանազան փորձու-
թեանց ալեաց ծովու աշխար-
հիս՝ անմեղութեամբ կենցար-
ղավարիցեմ' 'ի փառս քում



ՈՂԶՈՅՆ ՏԱԼՆ ՄԻՄԵԱՆՑ

Ս.ՍԵԼՈՎ ՈՂԶՈՒՆՍ.ՏՈՒԻՆ

Քրիստոս 'ի մէջ մեր

յայտնեցաւ :

ԵԿ Ա.ՍԵԼՆ ՈՂԶՈՒՆԲՆԿԱԼԻՆ

Օրհնեալ է յայտնութիւնն

Քրիստոսի :

Աշանակէ զհաշտութիւն Պիղատասի
և Հերովդէի :

Ա.ՂՕԹՔ

Միջնորդ Աստուծոյ և մարդ-
կան, Տէր մեր Յիսուս Քրիս-
տոս, որ ամենաբարի և խաղա-
ղաբար միջնորդութեամբ քով
հաշտեցուցեր զչայր ընդ ա-
րարածու, եւ արարեր խաղա-
ղութիւն Երկնաւորաց և Երկ-
րաւորաց, հեւաւորաց և մեր-
ձաւորաց և գնոյն խաղաղու-
թիւն շնորհեցեր Եկեղեցւոյ
քո ասելով, զխաղաղութիւն
թողում ձեզ, զխաղաղութիւն
զիմ տամ ձեզ: Եւ այժմ, Տէր,
աղաչեմք զքեզ՝ զերկնաւոր

և զհաշտարար խաղաղութիւն
քո սլարդեւեա' մեզ, զի խա-
ղաղութեամբ և հանդարտու-
թեամբ վարեսցուք զկեանս
մեր առանց մեղաց և առանց
գայթակղութեան, եւ սուրբ
սրտիւ սիրել զմիմեանս որպէս
դու զմեզ սիրեցեր. գնել
զանձն 'ի վերայ ընկերին, որ-
պէս դու եղեր. և լինել առ
միմեանս գթածք, քաղցունք
և բարերարք, որպէս դու ա-
րարեր. հնազանդութեամբ և
խոնարհութեամբ ծառայել մի-
մեանց, որպէս դու խոնարհե-
ցար 'ի ծունկս քոյսց Աշակեր-
տացն. որով մարթասցուք լի-

Նիւ պատշաճապէս անդամք և
մարմին գլխոյդ մերոյ։ Եւ դու,
Տէր, ասացեք, թէ ուր երկու
և երեք ժողովեալ են յանուն
իմ, անդ եմ ես։ 'ի մէջ նոցա։
Վասն որոյ և մեք ժողովեալ
յանուն քո, 'ի գաւիթ սուրբ,
կաթուղիկէ եւ առաքելական
Եկեղեցւոյ, եւ Աստուածային
և սուրբ ողջունիւս Եղեալ մի
անձն և մի սիրտ, ըստ սրբոց
Առաքելոցն։ Լուր աղաչանաց
մերոց, մարդասէր Տէր, և բնա-
կեա' 'ի սիրտ և յոգի ժողովե-
լոցս յանուն քո։ Սրբեալ մաք-
րեա' և յարդարեա' զմեզ լինիւ
տաճար և բնակարան ամենա-

զօր շնորհաց քոց։ Հեռացո՛ 'ի
մէնջ զամենայն խորամանկու-
թիւն և զնենգութիւն թշնա-
մոյն, զի սուրբ սրտիւ և մա-
քուր մտօք, երկիւզիւ և ար-
դարութեամբ զօրհանապազ
փառաւորեսցուք զամենազօր
անուն քո, այժմ և միշտ և յա-
ւիտեանս յաւիտենից։ Ամէն։

Տէր իմ Յիսուս Քրիստոս, որ
քոյով կենարար չարչարանօքդ
պատճառ Եղեր հաշտութեան
անիրաւացդատաւորացն. շնոր-
հեա' մեղաւորիս, զի 'ի բաց
լքեալ զամենայն խռովութիւ-
նըս և զոխակալութիւնս ընդ-
դէմ ամենայն հաւատացելոց

Եղբարց իւմոց, սիրով և խաղա-
ղութեամբ կենցաղավարիցեմ:



Ա.ՍԵԼՆ ԳԱՀԱՆԱՅԻՆ ԶԵՐԵՔՄՐԻԵԱՆՆ

Նշանակէ զերիս սուտ վլոյցմն, որք
վլոյցին անյարմարտաղէս:

Ա.ՂՕԹԻՔ

Առ'ւրը, Առ'ւրը, Առ'ւրը, Տէ'ր
զօրութեանց, լի են երկինք և
երկիր փառօք քո: Սերովբէքն
աղաղակեն հրաշալի և հոգե-
ղէն բարբառով առաջի փառաց
աթուոյ Աստուածութեան քո.
Քանզի զարհուրեալ 'ի հիաս-
քանչ եւ 'ի հրաշալի փառաց

քոյ, ո՛չ ունելով կարողու-
թիւն արժանապէս փառաւու-
րել զանհասանելի մեծութիւն
քո: Վասն որոյ անլոելի եւ
անդադար օրհնաբանութեամբ
փառաւորեն զմիասնական Աս-
տուածութիւնդ, զպաշտելի
և զհամագոյ Երրորդութիւնդ:
Արդ՝ եթէ հրեղէնքն և իմա-
նալիքն չեն բաւական քոյոյ
անբաւութեան, մեք հողանիւ-
թեայքս եւ յերկիր կործա-
նեալքս՝ զիա՞րդ կարասցուք
բովանդակել բանիւ զանբա-
ւելի գթութիւնդ առ արա-
րածս, և մանաւանդ առ ազգս
մարդկան: Որ նախ 'ի սկզբանն

արարչագործ ձեռամբդ ստեղ-
ծեր զնախնին մեր զԱղամ,
պատուելով զնաքան զայլ ա-
րարածս՝ որ բանիւ միայն ա-
րարան, և յետ պատուիրանա-
զանցութեան պաղոյն ճաշակ-
ման, ո՛չ արարեր անտես զան-
կեալ բնութիւնս, այլ ետուր
զօրէնս և առաքեցեր զՄար-
դարէս՝ յայտնելով զօդուտն,
իսկ պատրեալքն՝ ի պատրողէն
ոչ ծանեան զխորհուրդ բարե-
րար կամաց քոց: Ապա Հայրդ
երկնաւոր կամելով յայտ առ-
նել զանձառական սէրդ կա-
պակցութեամբ Հոգւոյդ Սըր-
բոյ, առաքեցեր զմիածին և

զծոցածին Բանդ, որ Եկեալ
մարմնացաւ՝ ի սուրբ կուսէն,
և նովին մարմնովն համբերեաց
չարչարանաց, Խաչի և մահու,
և եղեւ քաւութիւն մեղաց մե-
րոց: Վասն որոյ մեք ընդ Սե-
րովիցն երգեմք նմա ասե-
լով՝ Սուրբ, Սուրբ, Սուրբ, Տէր
զօրութեանց, լի են երկինք և
երկիր փառօք քո՝ օրհնութիւն
՝ ի բարձունս. օրհնեալ է գա-
լուստ քո յաշխարհս՝ ի փրկու-
թիւն մեր Քրիստոս Աստուած
մեր. օրհնեալ է կենսաբեր
տնօրէնութիւն քո. օրհնեալ է
փրկաւէտ չարչարանք քո՝ ո-
րով զերծաք՝ ի չարչարանաց

և յանչարչարութիւն պիճակեցաք։ Օրհնեալէ կենդանարար մահն քո, որով փրկեցաք՝ ի դառն մահուանէ, և յանմահութիւն երկնից վերափոխեցաք. որ յաւէրժական գոհաբան եամբ մատուսցուք փառս և երկրպագութիւն բարերարիդ՝ փրկչիդ և նորոգողիդ, յաւիտեանս յաւիտենից. Ամէն։



ԿՈՉԵԼՆ ՔԱՀԱՆԱՅԻՆ

Ա.ՌԷՇՎ ԿԵՐԷՇՎ

Նշանակէ զբանն Պիղատոսի որ ասաց Հրէից, առե՛ք զսա դուք՝ և ըստ ձեր բոց օրինացն դատեցէք։

ԱՂՅԹՔ

Օրհնեալէ պարգեւատուն կենաց, եւ պարգեւն անմահութեան՝ Քրիստոս Աստուծում մեր։



ԱՂՅԹՔ

ՅԵՏ Ա.ՍԵԼՈՅ

ԱՐԲԷՇՎ Ի ՍՄԱՆԷ

Օրհնեալէ շնորհն ձրի, և պարգեւն անծախելի, կենդանի եւ կենդանարար Մարմին և Արիւն Քրիստոսի Աստուծոյ մերոյ։



ԱՂՋԻՔ

ՅԵՏ ՀԱՅՐ ԵՐԿՆԱԽՈՐԴԻՆ

Հայր Երկնաւոր, բարերար
 Եւ բազումողորմ Աստուած,
 տուող բարեաց և պարգեւիչ
 կենդանութեան, որ ամենա-
 բարի բնութեամբ՝ յաղթեցար
 'ի մարդասիրութենէ, մինչ զի
 զհամագոյակից եւ զարարչա-
 կից, զաթոռակից և զհաւա-
 սարակից Բանդ՝ առաքեցեր
 յաշխարհ, առ 'ի մարմնանալ
 'ի սուրբ Կուսէն՝ և նովին ան-
 մեղ եւ անպարտական մար-
 մնովն՝ եղեւ գին եւ փրկանք
 ամենայն աշխարհի. զի ետուր

զնա 'ի զենումն, 'ի մահ և 'ի
 փրկութիւն վասն ամենայն հա-
 ւատացելոց անուան քո մե-
 ծի և Եւ այժմ աղաչեմք զքեզ,
 միջնորդութեամբ Մարմնոյ և
 Արեան Միածնի քո հայեա'ց
 'ի հեղումն սուրբ Արեան նորա,
 և յանշնչութիւն նորա 'ի Խա-
 չին, 'ի բացումն փրկական աղ-
 բերաց նորա, և արեամբ թա-
 թաւումն սուրբ Մարմնոյ նո-
 րա, և անցո՛ 'ի մէնջ զցառումն
 պատուհասի յանցանաց մերոց
 բարերարութեամբ քով, զի
 նորա եմք փրկեալ. խնայեա'
 'ի գինս սուրբ Արեան Միածնի
 քո, եւ ողորմեա' բանաւոր

և այսմ շնորհի արժանաւորս
կացուցեր, վասն միջնորդու-
թեան Մարմնոյ և Սրեան Մի-
ածնի քո. հաղորդս արա՛ փա-
ռաց Աստուածութեանդ քո,
միաւորելով ընդ գերապատիւ
ճոխութեանդ քո: Վասն որոյ՝
յամենայնի օրհնեմք, և ըստա-
մենայնի գոհանամք զքէն զօր-
հանապաղ, Տէր Աստուած մէր-
ողորմեա՛ մեզ:



ԽԱԶԱԿՆՔԵԼՆ ՓԱՀԱՆԱՅԻՆ
Ի ՎԵՐՈՅ ՄԱՐՄՆՈՅ ԵՒԱԲԵԱՆ
Նշանակէ զբաւեւելն Փրկչն ՚ի զին-
ուորաց ՚ի վերայ Սրբ Խաչն:

Հօտի քոյ՝ յուսացելոցս յա-
նուն քո:



ԱՌՆՈՒԼՆ ՓԱՀԱՆԱՅԻՆ ԶԼՒԾԱՅՍ Ի ԶԵՌԵՍՆ

Նշանակէ զգանիլն և զժաղիլն Տեառն
մերու, ՚ի Պիղատակէ և ՚ի զինուորաց
նորին:

ԱՂՕԹՔ

ՅԵՏ ՅԱՄԵՆԱՅՆԻ

Արժանասլէս օրհնեմք ըգ-
քեզ, և արդարապէս գովեմք
և գոհանամք զքէն Տէր Աստ-
ուած մեր, որ ըստ բազում
ողորմութեան քում անտես ա-
րարեր զանարժան գործս մեր,

Ա.ՂՕԹՎ

Տէր իմ Յիսուս Քրիստոս, որ
վասն վրկութեան իմոյ տարա-
ծեցեր զբազուկս քոյ արար-
չագործս, և 'ի վերայ Խաչա-
փայտին բեւեռեցար. Հնորհեա
մեղաւորիս, զի զթախծեալսիր-
տըս իմ սիրով ընդ քեզ բեւե-
ռիցեմ, եւ մի' երբէք 'ի քէն
մեկուսացեալ հեռանայցեմ:



Ա.ՂՕԹՎ

ՅԵՏ ՈՐԴԻ ԱՍՏՈՒԾՈՅ

Հաց կենաց եւ բաժակ ան-
մահութեան, միածին Որդի Աս-
տուծոյ, Տէր մեր և Փրկիչ Յի-

սուս Քրիստոս Աստուած ճըշ-
մարիտ, մանանայդ երկնային
իջեալ 'ի վերուստ, եղեր կե-
րակուր ամենայն հաւատացե-
լոց քոյ. հեղմամբ Արեան քոյ
ողորմեա' բանաւոր հօտի քո,
Հնորհելով զթողութիւն յան-
ցանաց հաւատացելոց. 'ի մա-
հու լեր փրկութիւն հաւատա-
ցելոց, և արժանապէս ճաշա-
կողաց զՄարմին և զԱրիւն քո
սուրբ: Յիշեա' զփրկաւէաչար-
չարանսն քո եւ զկենսատու
մահն, զարեամբ ճապաղումն
'ի Խաչին և զանտանելի կիրսն,
զոր ընկալար 'ի մարմնիդ վասն
մեր: Նայեա'ց 'ի խոցուածս

արարչագործ ճեռաց և ստից
քոց, և 'ի բացումն կենարար
վտակին՝ որով նորոգեցան տի-
եզերք և արբեցան արարածք:
Նովին վտակօքն լուա՛ և մաք-
րեա՛ զմեղյամենայն մեղաց մե-
րոց, և թողմեղ զամենայն յան-
ցանս մեր: Խնայեա՛ Արեամբքո
փրկեալ հօտի, և այց արա մեղ
'ի միւսանդամ գալստեան ար-
քայութեան քում. զի մահուսմբ
և չարչարանօք փրկեցեր, Քրիս-
տոս Աստուած մեր, բարերար
և նորոգող, և քեղ փառք եւ
երկրպագութիւն յաւիտեանս
յաւիտենից. Ամէն:



ԱՂՅԹՔ

ՅԵՏ ՀՈԳԻ ԱՍՏՈՒԾՈՅ

Հոգի՛ Աստուծոյ՝ Աստուած
Ճշմարիտ, որ նախ 'ի սկզբանն
շրջէիր 'ի վերայ ջուրց, և ատեղ-
ծանէիր զարարածս յոչնչէ, և
ալէսսլէս հրաշմն գործեցեր յա-
ւուրս Մարգարէիցն. և 'ի ժա-
մանակի տնօրէնութեան իակ-
ցին քո՝ իջեր 'ի Յորդանան և
'ի Վերնատունն, լցեր զԱռա-
քեալսն բազմապատիկ ընոր-
հօք: Եւ այժմ աղաչեմք զքեզ,
միջնորդութեամբ սուրբ Մար-
միոյ և Արեան փառակցին քո՝
որ բազմեալ կայ 'ի վերայ սըր-
բոյ Սեղանոյս, Է՛ջ 'ի սիրտս

և յոգիս մեր , և մաքրեա' զմեզ
իրբեւ զԱռաքեալսն 'ի սուրբ
Վերնատանն , և բորբոքեա' 'ի
մեզ զկայծ սիրոյ աստուածու-
թեանդ , զի արժանապէս լի-
ցուք տաճար եւ բնակարան
քեզ եւ էակից Փառակցոցդ .
եւ ամենազօր շնորհիւ քո՝ լի-
ցուք փրկեալք յաւուր նորոգ-
ման մերոյ , և քեզ նորոգողիդ
Աստուծոյ՝ վայելէ փառք յա-
ւիտեանս . Ամէն :



ԿԱԼՆ ՍԾՐԿԱՒԾԳԱՑ

ՅԱԶՄԵՒ ԵԻ ՅԱՀԵԿԻ

Նշանակէ զերկուս աւազակս խաչե-
ցեալս յաջմէ և յահեկէ Տեառն մերց :

ԱՂՅԹՔ

Տէր իմ Յիսուս Քրիստոս ,
որ վասն փրկութեան իմոյ ընդ-
անօրէնս համարեցար , և եր-
ջանիկ աւազակին զարքայու-
թիւն քո խոստացար . շնոր-
հեա' մեզաւորիս զի յելանելն
հոգւոյս 'ի մարմնոյս , արժանի
վնիցիմ լսել զձայն քո Աստ-
ուածային երանաւէտ :




Ո.ՍԵԼՆ ՔԾՀԱՆԱՅԻՆ

ԸՆԴ ՈՐՍ ԵԽ ՄԵԶ

Նշանակէ զդաւանումն աւազակին ,
և ասելն յիշեա՛ զիս , Տէր , յարքայու-
թեան քում :

ԱՆՕԹՔ

Տէր իմ Յիսուս Քրիստոս, որ
բացեր զաշս մտաց աւազակին,
զի զքեզ Տէր և Աստուտծ իւր
գոլ հաւատայր . չնորհեա' մե-
զաւորիս զբացումն աչաց սրտի
իմոյ, զի զքեզ ընդ Հօր և ընդ
Հոգւոյդ Սրբոյ գոլ մի Աստ-
ուած հաւատայցեմ. և արքա-
յութեանդ քում սրբոյ սր-
ժանի գտանիցիմ, և ընդ Եկե-
պեցւոյն խրախուսելով՝ քեզ
փառս եւ երկրապատմիւնս
վերառաքիցեմ:



ԱՆՕԹՔ

Ի ԺԱՄՈՒ ԱՌԱՔԵԼՈՅԻՆ
Յիշեա', Տէր, և ողորմեա', և
օրհնեա' զուխտ և զժառանգու-
թիւն Եկեղեցւոյ քում սրբոյ,
և չնորհեա' մեզ զերկնային քո
զխաղաղութիւն, զի մի' լիցի
'ի մեզ տեղի և մուտ չարին.
հեռացո՛ 'ի մէնջ զամենայն
խարդախութիւն թշնամւոյն,
և զբոնութիւն նորա խորտա-
կեա' բարեխօսութեամբ և յի-
շատակաւ սրբուհւոյ Աստուա-
ծածնին, և սրբոյն Յովհաննու
Կարտպետին, և սրբոյն Ստե-
փաննոսի նախավկային, սրբոյն
Գրիգորի մերոյ Լուսաւորչին,

և սրբոց Առաքելոց, Մարգարէից, և սրբոց Հայրապետաց, Մարտիրոսաց, Ճգնաւորաց, Կուսանաց, և ամենայն սրբոց քոց՝ Երկնաւորաց և Երկրաւորաց, որոց յիշատակն եւս օրհնութեամբ Եղիցի՚ի մէջ սուրբ Եկեղեցւոյս եւ առաջի սուրբ Պատարագիս. Ամէն:

Յիշեա՚, Տէր, զպաշտօնեայս քո՝ զծնողսն մեր՝ զվարդապետըս, զեղբարս, զընկերս, զկերակրիչս, զուխտաւորս, զճանապարհորդս, զհանգուցիչս, զվատակաւորս, զխոսովանողս, զշիւանդս, զնեղեալս, զիշիւանդս,

նըս, զչարարարս, զբարերարս, զթշնամիս, զատելիս, եւ որք պատուիրեցին մեզ հաւատով: Յիշեա՚, Տէր, և ողորմեա:




ԱՂՈԹԻՔ

ՑԵՍ ԳՈՀՈՒԹԵԱՆ

Յիշեա՚, Տէր, և ողորմեա, և զթա՚ ՚ի հոգիս հանգուցեալ ծառայից քոց, որք ուղիղդաւանութեամբ սլաշտեցին զքեզ, և նովին հաւատով և յուսով ննջեցին ՚ի քեզ: Յիշեա՚ զնոսայաւութեան քո, արա՛ արժանի ողորմութեան, քաւութեան

եւ թողութեան մեղաց . դա-
սաւորեալ պայծառացո ընդ
սուրբս քո յաջակողման դա-
սուն , զի յաւէրժական խըն-
դութեամբ եւ մշտնջենական
ցնծութեամբ փառաւորեացեն
զքեզ , Քրիստոս , ընդ Հօր և
ընդ սրբոյ Հոգւոյդ , այժմ և
միշտ և յաւիտեանս յաւիտե-
նից . Ամէն :



ԵՐԳԵԼՆ ԴՊԲԱՅ ԶՀԱՅՐ ՄԵՐ
Նշանակէ զեօթն բանս , զոր ասաց
Փրկիչն մեր ՚ի վերայ Խաչին :



ԱՂՋԹՔ

ՑԵՏ ԶՈՑԿ Ա.ՍՈՒԹԵԱՆ
ՀԱՅՐ ՄԵՐԻՒՆ

Տէր իմ Յիսուս Քրիստոս , որ
՚ի վերայ Խաչին վասն փրկու-
թեան իմոց ծարաւեցար , եւ
խաչահանուաց քոց աղօթե-
ցեր . Հնորհեա' մեղաւորիս զի
փրկարար քոյով նպաստու-
թեամբդ դաւնայցեմ ՚ի յախ-
տից մեղաց իմոց , և ներելով
իմոց պարտապանաց՝ քեզ ձըշ-
մարիտ հովուիդ իմում հետե-
ւիցիմ :



ԲԱՐՁՐԱՅՈՒՅՈՆԵԼՆ
ՔԱՀԱՆԱՅԻՆ ԶԲՈՅԱՅՍՆ
Ա.ՍԵԼՈՎ,
Ի ՄՐԲՈՒԹԻՒՆ ՄՐԲՈՅ

Նշանակէ ղաւանդումն Հոգւցն
Տեսուն մերս ՚ի ձեռս Հօր Աս-
տուծոյ ՚ի վերայ Խաչին :

ԱՂՋԹ.Ք.

Զերեւեալդ ինձ ՚ի փրկու-
թիւն՝ խոսոովանիմ ճշմարտա-
պէս Մարմին և Արիւն Քրիս-
տոսի Աստուծոյ՝ յուսոյ իմոյ,
և աղաղակեմ առ քեզ՝ մեղայ
յերկինս և առաջի քո · սրբեա
զիս յամենայն պղծութենէ հո-
գւոյ և մարմնոյ · շնորհեա՛ ինձ

Ժամանակ և ցանկութիւն ա-
պաշխարութեան · փրկեա զիս
յերեւելի և յաներեւոյթ թըշ-
նամւոյ · տպաւորեա՛ զօդուտն
հոգւոյ և մարմնոյ իմոյ · Պար-
գեւեա՛ ինձ բարեգործու-
թեամբ և բարեպաշտութեամբ
զքեզ արժանապէս ճաշակել,
և փառաւորել զՀայր և զՈրդի
եւ զՍուրբ Հոգիդ, այժմ եւ
միշտ և յաւիտեանս յաւիտե-
նից · Ամէն :



ԹԱՆԱԼՆ ՔԱՀԱՆԱՅԻՆ
ԶՊԱՏՈՒԱԿԱՆ ՄԱՐՄԻՆ
Ի ՑԱՆԱՊԱԿԱՆ ԱՐԵԱՆ
Նշանակէ զներկին Արեամբ Փրկին
մերս :

Ա.Ղ.ՕԹ.Ք.

Տէ՛ր իմ Յիսուս Քրիստոս,
որ ըստ նախագուշակութեանն
եսայեայ Մարդարէին՝ հնձան
հարեր՝ և զհանդերձ մարմնոյ
քո ներկեալ արեամբ քով
թաթաւեցեր, չնորհեա՛ մե-
ղաւորիս, զի ճաշակմամբ նո-
ցին մաքրիցիմ յամենայն աղ-
տեղութեանց հոգեկանաց, և
իսկութեամբ սիրոյ ընդ քեզ՝
մինչեւ ցկէտ կոչման իմոյ կա-
պակցիցիմ հաստատապէս:



ՈՂԲԵՐԴԱԿԱՆՔ

Վ.Ս.ՍՆ ՀԱՄԱՅՆ ԱԶԳԻ
ԵՒ ԵԿԵՂԵՑԱԿԱՆԱՅՅ ՀԱՅՈՅ
Եւ արդ Տէ՛ր իմ և Աստուած
իմ Յիսուս Քրիստոս, ես ամե-
նասխալ և բազում չարեօք և
անօրէնութեամբ լցեալ ծա-
ռայս քո, արդէն յերկիր խո-
նարհեալ կորագլուխ անձամբ
եւ մեծակական ողբով՝ ի խո-
րոց սրտէ հառաջեմ առ ամե-
նագթած Աստուածդ իմ, և ա-
ղաջեմ վասն ողորմելի և ան-
տերունչ ազգիս մերոյ. աղա-
ղակեմ առ քեզ՝ ո՛վ ողորմե-
լեաց Ողորմած, անտիրացելոց

Տէր , անձարացելոց Ճար , ան-
օգնականից Օգնական , անյու-
սից Յոյս և Ապաւէն , նեղելոց
և վշտացելոց հանգիստ և միտի-
թարութիւն : Գոչեմ առ քեզ
մեծաւ թախանձանօք . բա'ց ,
Տէր , զաչս քո , և տե՛ս զողոր-
մելութիւն մեր . տե՛ս զիոք-
րիկ հօտս քո , թէ ո՞րպէս եմք
ցրուեալ և տարագրեցեալ ընդ-
ամենայն երկիր և մատնեալ
՚ի ձեռս օտարաց տերանց եւ
թշնամեաց , զրկեալ ՚ի սեպ-
հական բնակութեանց եւ ՚ի
հայրենեաց մերոց :

Ո՞հ , զի եմք որպէս զնաւ
զեկարեկ , տատանեալք յալիս

ծովու առանց զեկավարի , եւ
որպէս ոչխարք մոլորեալք ՚ի
յանասլատի առանց հովուի .
և ո՛չ ունիմք զՄովսէս՝ որ ա-
ռաջնորդ եսցէ . եւ ո՛չ ունիմք
զՅեսու՝ որ ընդ դէմ թշնա-
մեաց կացցէ . եւ ո՛չ ունիմք
զԴաւիթ՝ որ վասն մեր հաճո-
յական պատարագս մատուսցէ
քեզ , եւ զսուր բարիկութեան
քոյ յետս դարձուսցէ : Եւ ո՛չ
ունիմք զՄարգարէ , զԹագա-
ւոր եւ զԱռաջնորդ , եւ ոչ
զօդնութիւն իմն յումեքէ :

Իշխանք մեր եւ ազատագ-
նեայք մերկացեալք յիշխանու-
թեանց և յընչից՝ և անկեալք

ընդ իշխանութեամբ այլոց ծառայեն թշուառութեամբ :

Հասարակ ժողովուրդքս գլուրաւեալք՝ ի ներքոյ ծանր լծոյ եւ հարկի այլազանց՝ հազիւթէ հայթհայթանօք գտանեմք զալրուստս կենաց մերոց . և զերմանեալսն եւ զվաստակս մեր այլք ուտեն և վայելեն :

Եկեղեցիք վայելչագեղք և վանօրայք պայծառաշշնք՝ որք յանունքո և՝ ի յիշատակ սրբոց քոց սիրելեաց կառուցան , Հոգւոյդ Սրբոյ օծմամբն կնքեցան , եւ ամենայաղթ Խաչիդնշանաւն պատակեցան , յորս մատչիւր պատարագ Գառնդ

Աստուծոյ ՚ի փրկութիւն աշխարհի , յորս կատարէին սըրբագործ եւ հոգեկեցոյց խորհուրդք քո , յորոց ելանէին և վերառաքէին առ քեզ ձայնք օրհնութեանց և փառաբանութեանց , բուրմունք հոգեւորականք , նուէրք հաճոյականք և ազօթք հաշտարաք , ահա՛ ըստ մեծի մասին ամսյացեալք և տպականեալք՝ գողոց և գաղանաց օթարան են եղեալք :

Յիրաւի ծգեաց թշնամին ըզձեւն՝ ի ցանկալիսն քոյ : Մտին հեթանոսք՝ ի ժառանգութիւնս քոյ և պղծեցին զսուրբ տաճարս քո : Սրահք եւ սրբու-

թիւնք նոցա դարձան յապա-
կանութիւն։ Սուգ առին ճա-
նապարհք նոցա։ Հատան երթե-
ւեկք տօնից տարեկանաց նո-
ցա։ Լուցին 'ի նոցանէ ճայնք
օրհնութեանց և փառաբանու-
թեանց։ Գաղանք և յափշտա-
կողք մուտ և ելառնեն 'ի նոսա։
Աքանչելարար դամբարանք և
բժշկարար նշխարք սրբոց՝ որք
'ի նոսա, կոխան եզեն ոտից
անսրբոց և պղծոց։ Քահանայք
և պաշտօնեայք նոցա հալա-
ծեալք։ Ուստի եղաք մեք մնա-
ցողքս նախատինք դրացեաց
և այսն կատականաց թշնա-
մեաց մերոց։

Արդ՝ այս ամենայն եկին և
գան 'ի վերայ մեր վասն մեղաց
մերոց։ Քանզի մեք մեղաք,
անօրինեցաք եւ ապստամբե-
ցաք 'ի քէն։ Վասն այսորիկ և
դու թոյլ ետուր այս ամենայն
չարեաց գալ 'ի վերայ մեր և
տիրել մեզ, և մատնել զմեզ 'ի
ձեռս թշնամեաց՝ տերանց ա-
պըստամբողաց. որպէս ահա եմք
տառապեալք 'ի վերայ ամե-
նայն երկրի այսօր վասն մեղաց
մերոց։ Ռւրեմն Աստուծոյդ
մերում արդարութիւն, և ա-
մօթ երեսաց՝ մերոց։

Արդ՝ այժմ առ ո'վ դիմես-
ցուք, ո'վ Աստուծած մեր, և

ո՞ւմ պատմեսցուք զցաւս մեր .
եթէ ոչ քեզ բարկացելոյդ .
որ որպէս արդարութեամբ
խրատեցեր եւ հարեր զմեզ,
կարող ես եւ դու ողորմու-
թեամբու անդրէն վերատին
բժշկել և մօխթարել :

Վասն որոյ՝ ահա անկանիմ
առաջի անօխակալիոդ Աստու-
ծոյ եւ ըստ անառակին գո-
չեմ . մեղաք յերկինս և առաջի
քոյ . մեղաք ստեղծողիդ մերոյ .
մեղաք բարերարիդ մերոյ եւ
Աստուծոյ :

Աղաչեմ զքեզ, անօխակալ
Տէր Աստուծ, դարձիր 'ի բար-
իութենէ քումմէ և անցո' 'ի

մէնջ զցասումն քո . մի' յիշեր
զմեզս մեր զառաջինս, վաղվա-
ղեացէ առ մեզ ողորմութիւն
քո , զի աղքատացաք յոյժ :
Զարթի՛ր, Տէր, զարթի՛ր . արի'
եւ մի' մերժեր զմեզ իսպառ :
Մի' մոռանար զաղքատութիւն
և զնեղութիւնս մեր: Արի, Տէր,
օգնեա' մեզ եւ փրկեա զմեզ
վասն անուան քոյ, որ կոչե-
ցեալէ 'ի վերայ մեր: Մի' մատ-
ներ զմեզ իսպառ վասն անուան
քոյ . մի' ցրեր զուխտս քո . և մի'
'ի բացեայ առներ զողորմու-
թիւնս քոյ 'ի մէնջ : Զի դու
միայն ես Տէր մեր և թագա-
ւոր . դու միայն ես Փրկիչ մեր

Եւ օգնական . դու միայն ես
ապաւէն մեր և յոյս : Զի բաց
՚ի քէն զայլ ողք ո՞չ դիտեմք ,
և զանուն քո կարդամք հա-
նապազ : Տե՛ս զտառապանս
աղքիս մերոյ . հաս յօգնու-
թիւն և այց արա :

Եւ որպէս գթայիր հնոյ ժո-
ղովրդեանն՝ վասն Արրահամու ,
իսահակայ , Յակովբայ և վասն
Դաւթի ծառայից քոց . գթա՛
և այժմ նորոյ ժողովրդեանդ
և փոքու հօտիդ , վասն սրբ-
բուհւոյ Սստուածածնի՝ անա-
րատ ծնողի քոյ , սրբոյն Յով-
հաննու կարապետին և Մկրտ-
չին քոյ . սրբոյն Ստեփաննոսի

նախավկային քոյ . սրբոց Առա-
քելոցն եւ Մարգարէից քոց .
և սրբոց Առաքելոցն և յատուկ
Լուսաւորչացն մերոց՝ Թաղէ-
ոսի եւ Բարթուղիմէոսի , եւ
սրբոյն Գրիգորի բազմաչարչար
վկային քոյ . և նորին Որդւոց
և Թոռանց՝ ընտրելոց ծառա-
յից քոց . եւ սրբոց Հոխիսի-
մեանց եւ Գայիսանեանց՝ յաղ-
թող վկայիցն քոց : Եւ բարե-
խօսութեամբ սրբոց Հայրա-
պետաց եւ Վարդապետաց ,
Ճգնաւորաց , Մարտիրոսաց ,
Կուսանաց , և ամենայն սրբոց
քոց հնոց եւ նորոց՝ յայտից
և անյայտից :

Այլ եւ բարեխօսութեամբ
սրբոցքոց երկնաւորացդ՝ Պար-
րիէլի և Միքայէլի և ամենայն
անմարմնական դասուցդ :

Զի եթէ վասն բազում մե-
ղաց մերոց և անօրէնութեանց
առ ժամանակ մի թողեր զմեզ,
դարձուցեր զերեսս քո 'ի մէնջ
և տրտմեցուցեր, վասն պատ-
ուական Արեան քո՝ եւ վասն
արդարութեան սիրելեաց քոց՝
դարձ առ մեզ . և ողորմու-
թեամբ քով մեծաւ ողորմեաց
մեզ . և ուրախացո զմեզ՝ որ-
պէս ասացեր առ Եսայեաւ :
Լսեցո՛ և մեզ զայն երանաւէտ
ձայնն թէ՝ Լուսաւորեաց Ե-

կեղեցիդ Հայաստանեայց եւ
ուրախ լեր, զի հասեալ է լոյս
քո : Ահաւասիկ ես դարձու-
ցանեմ 'ի քեզ զխաղաղութիւն
իրեւ զգետ . և զմանկունս քո
'ի հեռաստանէ 'ի վերայ ուսոց
իւրեանց բարձեալ բերիցեն :
Յիրաւի՝ այդպիսի ամենակա-
րող Աստուծոյ ողորմութեան
եմք մնացեալ ապաստան, ո-
ղորմած Աստուած :

Ուրեմն հաշտեաց ընդ մը-
նացորդաց ժողովրդեան քոյ .
վրկեա՛ զմեզ մեծաւ սքանչե-
լեօք . ժողովեա՛ զմեզ 'ի գոդ
սիրոյդ և միսիթարեա՛ 'ի փառս
անուան քոյ սրբոյ, որ կոչե-

յեալ է՝ 'ի վերայ մեր :

Այլ և աղաչեմ զքեզ, Տէր
իմ և Աստուած իմ՝ վասն ա-
մայացելոց և անշքացելոց վա-
նօրէից և եկեղեցեաց մերոց :
Լուր մեղ՝ ահա՛ նեղեալ ան-
ձամբք աղաղակեմք :

Մի՛ յիշեր զմեղս մեր, որով
բարկացուցաք զքեզ. այլ յի-
շեա զսուրբսն քո՛ յորոց ա-
նուն կառուցան եկեղեցիք մեր :
Զոսուրբ եւ զմաքուր նշխարս
նոցա, որք ամփոփեալք են 'ի
նոսա. և զսրբութիւնսն՝ յորոց
վերայ անուն քո կոչեցեալ է :

Եւ ոչ եթէ վասն արդարու-
թեան իմոյ արկանեմ զայս

աղերո առաջի քո, այլ վասն
բազում գթութեան քոյ եւ
վսան սիրոյ սիրելեաց սրբոց
և սրբութեանց քոց :

Ուրեմն աղաչեմ զքեզ, ո-
զորմած և գթած Աստուած,
վասն անհուն ողորմութեան
քոյ, 'ի սէր սրբոց Եկեղեցեաց
եւ սրբութեանց քոց, բարե-
խօսութեամբ քեզ հաճոյացե-
լոց սրբոցն քոց, Եւ միջնոր-
դութեամբ նոցին չարչարա-
նացն, պատուական արեանն,
և մաքուր նշխարաց և դամ-
բարանացն՝ ողորմեա՛ եւ այց
արա : Որպէս տառապեցուցեր
բարկութեամբդ, նմանապէս

բժշկեա' և միմիթարեա' ողոր-
մութեամբդ : Զի որպէս տե-
սին աչք մեր զամայտւթիւն և
զապականութիւն նոցին վասն
մեղաց մերոց, տուր մեզ տե-
սանել վերստին զվերանորո-
դութիւն և զպայծառութիւն
նոցին վասն սիրելեաց սրբոց
քոյ :

Եւ որպէս հատան և լսեցին
ձայնք օրհնութեանց եւ փա-
ռաբանութեանցն ՚ի նոցանէ ,
արա զի վերստին զօրասցին և
բարձրասցին ՚ի փառս անուան
քոյ . զի ծանիցեն ամենեքեան
թէ՝ կոչեցեալէ անուն քոյ ՚ի
վերայ մեր և նոցա : Զորս և

մեր տեսանելով վերառաքես-
ցուք փառս և գոհութիւնս ՚ի
յերկինս քեզ ընդ Հօր և ընդ
Սրբոյ Հոգւոյդ , այժմ և միշտ
եւ յաւիտեանս յաւիտենից .
Ամէն :

ԳԱՌՆԱԼՆ ՔԱՀԱՆԱՅԻՆ
ԱՌ ԺՈՂՈՎՈՒՐԴՆ ԸՆԾԱՅԻՒ
Ա.ՍԵԼՈՎ ՚ ՍՈՒՐԲ ՚ ՍՈՒՐԲ

Նշանակէ զհանգչին Բանին Աստուծոց
՚ի գերկո Մօր Խւրոյ յետ իջանելոն
՚ի խաչէն :

Ա.ՂՕԹ.Ք
ԵՐԿՐՊԱԳՈՒԹԵԱՄԲ
ԽՈՍՏՈՎԱՆԻՄ և հաւատամ ,

զի դա՛է ճշմարիտ Մարմին և
Արիւն Յիսուսի Քրիստոսի Որ-
դւոյն Սատուծոյ, որ բառնայ
զմեղս աշխարհի :

ԱՂՕԹՔ

Տէր իմ Յիսուս Քրիստոս,
որ յիշանելն քո 'ի Խաչէն՝
հանգեար 'ի գիրկս Մարիամու՝
անարատի Մօր քո, և ցողով
կուսական արտասուաց նորին
ուոգանիլ հաճեցար. շնորհեա՛
մեղաւորիս զի զսիրտ իմ մեղ-
սամած՝ քեզ կենսատուիդ ի-
մում օթեւան եւ առագաստ
պատրաստեցից, և անդադար
զսոցուածս մարմնոյդ ողբալով
համբուրեցից :

ԱՐԿԱՆԵԼՆ ՔԱՀԱՆԱՅԻՆ
ԶՄԻ ՄԱՍՆ ԿԵՆՍՐԱՐ
ՄԱՐՄՆՈՅՆ Ի ԲԱԺԱԿՆ

Նշանակէ զիջումն Հոգւոյն Տեառն
մերս ՚ի գժուիս առնախահարս :

ԱՂՕԹՔ

Տէր իմ Յիսուս Քրիստոս, որ
ըստ անձառելի ողորմութեան
քում իջեր 'ի գժուաս միաւո-
րեալ Աստուածութեամբդ առ
'ի սփոփել եւ վերածել զնա-
խահարս. շնորհեա՛ մեղաւո-
րիս, զի 'ի մէջ գժոխոց մեղաց
իմոց արժանի լինիցիմ այցե-
լութեանդ, եւ օգնութեամբ

Քով յառնիցեմ 'ի մեռելոտի
գործոց իմոց . Ամէն :



ՃԱՇԱԿԵԼՆ ՔՍՀԱՆԱՑԻՆ
ԶՄՐԲԱՐԱՐ ՄԱՐՄԻՆ
ԵՒ ԶԱՐԻՒՆ ՏԵԱՌՆ ՄԵՐՈՅ
Նշանակէ զթաղումն Տեառն մերս
Երեքօրեայ ՚ի գերեղմանի :

Ա.Ղ.ՕԹ.Ք.

ԵՐԲ Ա.ՍԻ

ՔՐԻՍՏՈՍ ՊԱՏՈՐԱԳԵԱԼ

Միածին Որդի Աստուծոյ և
Բան Հօր, արարիչ Երկնաւորաց
և երկրաւորաց և լցուցիչ հա-
մայն արարածոց, որ լնուս զա-

մենայն յամենայնի, անպարա-
գրելի գոլով բնութեամբ՝ բո-
վանդակեցար 'ի մարմնի, զի
տեսանելի և շօշափելի լիցիս
մարդկային ազգի, վասն որոյ
ճաշակելի և կերակուր եղեր
ամենայն հաւատացելոց, զի
տացես զկեանս յաւիտենա-
կանս այնոցիկ՝ որք հաւատով
և սրբութեամբ մերձենան 'ի
քեզ՝ ըստ անսուտ խոստման
քո, մարդասէր : Եւ այժմ մեք
վիրկեալքս պատուական ար-
եամբ քո՝ հաւատով տեսանեմք
զՓրկիչը մեր բոլորապէս պա-
րունակեալ 'ի ներքոյ կրկին
տեսակաց՝ հացին և գինեոյն,

հոգւով, մարմնով և Աստուածութեամբ. յաղագս որոյ Երկրապագութիւն մատուցանեմք փրկողիդ մերում, և աղաչեմք զանբաւ գթութիւն քո : Լոյծ զկապ մեղաց մերոց, և ջնջեա՛ զձեռագիր մերոյ անօրէնութեան, բեւեռեա զմեզ յերկիւզ և 'ի սէր քո սուրբ, զի միշտ գնասցուք արժանի կոչ մանն՝ յոր կոչեցեր զմեզ: Տուր մեզ, Տէր, բանաւոր հօտի քո յամենայն սրտէ հետեւել միայն զինի ճշմարիտ հովուիդ և կատարել զկամս քո, և լսել զերանաւէտ բարբառ քո . անձեւ օր ըստ օրէ, և պահել

զպատուիրանս քո զօրհանապազ: Պարգեւեա՛ մեզ զսիրտ սուրբ և զհոգի խոնարհ, զի մի արհամարհեալ լիցուք առաջի քո . մաքրեա՛ զմիտու և զխորհուրդս մեր, որպէս սրբոց քոց Առաքելոցն, զի ընդ նոսին արժանի լիցուք զսուրբ եւ զսրբարար, զկենդանի և զկենդանարար Մարմին և Արիւն քո՝ Քրիստոս Աստուած մեր, ճաշակել և ընդունիլ յուսով կենացն յաւիտենից ընդ ամենայն սուրբս քո, այժմ և միշտ եւ յաւիտեանս յաւիտենից . Ամէն:

Ա. ՂԵՐՍԱՆԻՔ

ՎԱՍՆ ԽԱՉԻ

ԵԿ ԶԱՐԶԱՐԱՆԱՅ ՓՐԿՉԻՆ

ԲԱԴ Ղ.

Բարեբանետը Աստուած Երկ-
նաւոր, միայն արարիչ, Տէ՛ր
ամենակալ, մեծութիւն տհեղ,
գթութիւն օրհնաբանելի, ո-
զորմութիւն խոստովանելի,
բարերաբութիւն երկրպագե-
թի, խնամակալութիւն պաշ-
տելի, մարդասիրութիւն տօ-
նելի, պահպանութիւն խնկե-
լի, բարձրեալ անքնին, մեր-
ձաւոր կամարար, ապաւէն

անկասկածելի, մխիթար ոքր-
տից, փարատիչ վշտաց, ա-
պաքինիչ ցաւոց, սպառումն
վհատութեանց, բարձումն
պարտեաց, փոխարկիչ կար-
եաց, կարգաւորիչ կրից, յար-
մարիչ բանից, սանձարկու լե-
զուի, շրջադրութիւն չնչոյ,
կացուցիչ հագագի, ամփոփիչ
խորհրդոց, կրթարան կամաց,
արձանացուցիչ յուզմանց, հան-
դարտութիւն մրրկաց, խա-
ղաղութիւն ծփանաց, որ ու-
նիս զթեւոց ամենընթաց իշ-
խանականիս, եւ իմաստու-
թեամբ նուաճեալ առ քեզ
դարձուցանես :

Գոհարանեալ միշտ երախտաւոր , որ հեզութեամբ անհպարտութեան երկայնամըտեալ հանգչիս տենչանօք անձառ հրաշիւք յանձինս սրբոց : Թագաւոր էից համայնից , ամենայնիւ ծանուցեալ գթած . սկզբնահայր եւ նախաշաւիդ սիրոյն ընթացից . ճանապարհ կենաց , որ առաջնորդես քաղցրութեամբ դիմելոյս 'ի լոյսդ վերին : Զեռնկալու մեծ վըստահութեան , որ ո'չ թողացուցանես գայթակղելոյս 'ի վայր կործանել . յուսոյ կերպարան , ճշմարիտ առհաւատչիւ աղաչողաց մատանց

յայտնի երեւեալ . ապաւինութիւն հանգստեան՝ որ ո'չ երբէք մատնես վտանգի դատապարտութեան : Ազատութիւն շնորհաձիր , որ տաս լիալէս առանց փոխատրութեան փրկանաց . առատութիւն աննախանձելի , որ քոյին փառաւորութեամբ զանարդնիւթ հողոյս ճոխացուցանես : Պայծառութիւն անըստուեր , որ ճառագայթիւք ահեղ բարձրութեան պարածածկեալ զթշուառս կրկին բարդաւաճ առնես : Քաւիչ մեղանաց բազմաց , որ զհերքեալս 'ի փըրկութենէ առաջնորդն պայծա-

ոռութեամբ նորոգեալ՝ վերըսո-
տին վայելչացուցանես : Հնա-
րաւոր դիւլահաս առ ամե-
նայն անբաւ գերամբարձու-
թիւն յաւէտ յառաջեալ : Ելք
վստահութեան առ խոստա-
ցելոցն վայելս . երանութիւն
անձկալի , յոր զիկենդանու-
թիւն շնչոյս լքանելն է ախոր-
ժելի , զի զքեզ գափց կեն-
դանի : Կամք անփոխադրելի
առ 'ի քաւութիւն գերւոյս զօ-
րացեալ ամենագովելի . ան-
սըխալելի դեղ կենաց , որ և
մեռելոց բնաւին եղծելոց առ-
նեսզաքանչելիս : Ամենաստեղծ-
աներկբայելի , որ զհուրբ կի-

զեալն և զհողմով հոսեալն և
զժանեօք գաղանաց ծախեալն՝
'ի քթթելական նովին հիւթա-
կանութեամբ անպակաս յա-
րուցանես : Անհաւասար հա-
մարձակութիւն , յորում Աս-
տուածօրէն պանծանօք պար-
ծելն է իրաւացի :

Հայեա'ց , Տէր , յերկնից զը-
ւարթ քաղցրութեամբ յամեն-
նակործան վտանգ նեղելոյս ,
և արա' անդորր հանգստական
դիւրաւոր 'ի բազմատագնապս
հեծութենէ : Եւ զյարուցեալ
գումարս սատակչացն , եթէ
սպառազէնք այսական դժնեայ
հնարաւորութեան բուռն մար-

տակցաց պատկանեալ զինուք,
եթէ մեղաց տգեղ և քո ատե-
լի կերպարանք, եթէ ցաւոց և
ախտից վատնիչ և կորստական
նշմարանք, մերժեսցես հանցես
հատցես խափաննեսցես և հալա-
ծեսցես հեռի սահմանաւ խո-
պառ տարագրեալ անդարձո-
րոշմամբ վերստին կորստեանն.
և կառուսցես կացուսցես նը-
սպատակ կենաց և ամուր մա-
հարձան զնշան Խաչիդ ասլա-
ւինելոյս 'ի քեզ փրկութիւնը
Եւ յայսմ անպարտ և անպա-
տիր և անվանելի արտեստից
ահաւորիդ մեծութեան լուծ-
ցին որոգայթքն դաղտնածա-

ծուկ սատանայականք , կապ-
տեսցին մեքենայքն , վատնես-
ցին գայթակղութիւնքն , խայ-
տառակեսցին հաղբիցն դրու-
թիւնք , յայտնեսցին երեւոյթք
որսոյն , գտցին նենդողին ծու-
ղակք , վերասցին վարմին վե-
րարկուք , տոչորեսցին օրո-
մանցն բոյաք , նզովեսցին ըրո-
նաւորին չարաբանութիւնք ,
կտրեսցի լար խարէութեան
'ի մահ որսողին , պարսեսցին
պատրողին բանսարկութիւնք ,
պակասեսցին զէնք զբարտո-
ղին , անկցին սուսերք մահա-
բերին , սուզեսցին սադրողին
պատրաստութիւնք , արձա-

կեսցին, տուարւնք տագնապու-
զին, այլսյլեսցին, տուտ կեր-
սլարանք կեղծաւորին, սատա-
կեսցին խրտիստականացն խիստ
յարձակմանք, ցրուեսցին կը-
ցորդութիւնք կերչացն, բա-
ժանեսցին ազինք աւազակացն,
քայքայեսցին լոյլք բարբարո-
սացն, քանդեսցին ամրոցք
ապստամբողացն, արգելցին
ամպրոֆալք յանդգնելոցն, փա-
րատեսցին փորձողին անձրեւք,
հալեսցի և ցամաքեսցի եղեամն
աղանդաւորին, Խորտակեսցի
եղիւր դռուողին, մանրեսցին
ամբառնալիք դրօշիցն կերպա-
րանաց, փշրեսցին ամբարհա-

ւաճութիւնք հալարտոցելոցն,
նահանջեսցին դիմեցմունք ճա-
կատելոցն, քակտեսցին միա-
բանութիւնք զօրացն հելիա-
րայ, թէ անմարմինք և եթէ
մարմնուորք, փախիցեն ընդ
նոյն ճանապարհ՝ ՚ի մի շաւղաց
հետոց յեօթն տարակոյս, ՚ի
գուբն ինձ փորեալ ինքեանք
ընկձեսցին, Յեղանակեսցին ճր-
մերունք ճանճրացուցչին, հատ-
ցի կապի կցորդութեան մշտա-
ջան աւազակին, նողկասցի մը-
տացն կայից համբոյք շողոքոր-
թին, ընդ միջեալ մեկնեսցին
նետաձդութիւնք նեղչին կաց-
ցէ ՚ի սասպնման նաւ խարդա-

խողին, խլեսցին յարմատոց ան-
տի ատամունք խածանողին։
Վասն փայտիդ օրհնութեան
կենաց՝ յորում պրկեցար Աս-
տուածդ անըմբռնելի, յիշա-
տակաւ բեւեռացդ՝ որով ՚ի
գործի մահուն մածուցար ա-
րարիչդ Երկնի և Երկրի, ա-
րեամբդ տէրունականաւ՝ որով
զի՞շապն մեծ կարթիւ ածեալ
որսացար, լեզւոյն դառնու-
թեամբ, զօր սրբեալ զգեղատ-
ուութիւն կորուսչին արտաքս
հեղեր, սպատմաբանութեամբ
ըղձական ճառից կրիցն սար-
սափելնաց՝ որով զլրբութիւն
հակառակողին ըմբերանեալ ա-

մաչեցուցեր, անուամբդ ան-
հասականաւ ամենայնիւ ան-
թարդմանկը ոյդ՝ յորմէ գողան
և դատապարտին սոֆկացեալ
սաստիկ սարսափմամբ բնու-
թիւնք ամենայն երեւութից
և աներեւութից, եղիցին այս
ամենայն պարդ եւք շնորհաց
խոստովանելոյս ՚ի պաշտպա-
նութիւն, ՚ի բժշկութիւն եւ
՚ի քաւութիւն, Եւ մահաբեր
դառնաթոյն օծին, և որ ՚ի նմա-
ազդեաց տիեզերադաս չարու-
թիւնն, ՚ի սաստակումն եղիցի
նորին։ նոյն ինքն ՚ի կորուստ
եւ յանբժշկական հարուած
տանջանացն սովաւ մատնեսցի,

կապեսցի և ըմբռնեցիւ Եղիցի
ողարմութիւն ատեղծողիդ ընդ
իս , եւ չունչ ոգւոյս իմ ընդ
քեզ անբաժանօրէն կապաւ
միացէալ 'իսմիւազան թիւազան
Եւ որ ոք ընթերցցի զայս
աղերս ճայնի մաղթանաց գոչ
ման աղօթից հայցման ծերոյ
և աղայոյ , կուսի եւ երիտա-
սարդի , և եթէ յաղախնեաց
ոք պաղատեսցի աստուածսիր-
րաբար , հաւասարապէս ա-
նաշատութեամբ ընկալցին 'ի
քէն մամն երանութեան պար-
տուց պաղատութեան , հա-
տեալ վերստին յանարապու-
թիւն նորոգ մաքրութեան ,

նկարեալ դարձեալ զքոյդ կեր-
պարան անփովտմելի . Ահա'
տիրապէս կնարաւոր , զօրեղ ,
անպատում , անհամ , անիմա-
նալի , տեսցեած աստանօր 'ի հա-
ռաջանս կողկողանաց այսր հե-
ծութեան , որ 'ի բոլորից ըըր-
թանց ընծայեալ քեզ մատու-
ցանի , վասն Հօր քո երկնաւո-
րի և բարերարի , և Հոգւոյդ
Սրբոյ փառակցի և կենդանա-
տուի : Աստուածածնիդ բա-
րեխօսութեամբ և խնդրուա-
ծովք ամենայն սրբոց : Զի դու
ստեղծեր զամենայն , և 'ի քէն
եղեն տմենայնք , և դու տի-
րես ամենայնի . և քեզ փառք

յամենեցունց մինդ յիսկու-
թենէ անժամանակ Երրորդու-
թեանդ՝ զուգակցալէս փա-
ռաւորեալ յանբաւաւ, և յաւի-
տենից յաւիտեանս Ամէն :



ԵՐԳԵԼՆ ԴՊՐԸՑ ԶՏԱԴՈ

Նշանակէ զիսնդութիւն և զհրձւում
աշակերտաց վասն Յարութեան
Տեառն մերց :

Ա.Պ.ՕԹ.Ք

Տէ՛ր իմ Յիսրու Քրիստոս,
որ քպով փառաւոր յարու-
թեամբ զհաւատացեալս քոյ
բերկրեցուցեր, չնորհեա' մե-
դաւորիս՝ զի՞ յարութեան

յաւուրն յետնում արժանի լի-
նիցիմ բերկրիլ Եւդուրախա-
նալ ընդ պարս երջանկաց Եւ
Երանելեաց յարքայութեան
քում. Ամէն :



ԴԱՄՆԱԼՆ ՔԱՀԱՆԱՅԻՆ

ԸՆԾԱՅԻՒՆ

Ա.Թ.ԺՈՂՈՎՐԴԻՆ Ա.ՍԵԼՈՎ

ԿԵՑՈ՛ ՏԵԲ

Նշանակէ զերեւիլն Տեառն մերց
յետ Յարութեան իւրոյ :

ԳՈՀՈՒԹԻՒՆ

Աստուած մեր, և Տէ՛ր մեր
երեւեցաւ մեզ, օրհնեալ եկ-
եալ անուամբ Տեառն :



ԱՂՅԹԻՔ մյասան
և անհայտ եթե Ա.Ա. Կ. Ա. Ա. Ա.
Գոհանամք զքէն Հայր ամ
մենակալ, Որդիդ միածին, և
Հոգիդ ճշմարիտ, որ ընտրե-
ցէր զհաւատացեալս անուանդ
քում սրբոյ ՚ի մասն վիճակի
սրբոցն ՚ի լոյս. Եւ ստացար
քեզ ժողովուրդ սեպէական,
Եւ արարեր Հաղպահ փառաց
Աստուածութեանդ, Եւ Ժա-
ռանդորդ անձառ բարութեանց
քոց. ո՞չ ըստ մերում արժա-
նաւորութեան, այլ ըստ ան-
բաւ գթութեան քո, որ միշտ
չնորհես առատապէս և ոչ նա-
խատես. փոքր պահանջես, և

մեծամեծս պարզեւես: Այս՝
օրհնելով օրհնեմք եւ գոհա-
նալով գոհանամք զքէն, Տէ՛ր
Աստուած մեր, որ յայսմ մա-
սին զմեզ արժանաւորս կա-
ցուցեր: Աղաչեմք զքեզ, մի՛
թողուր զմեզ ՚ի ճեռաց քոց
յայսմհետէ մինչեւ յաւիտեան.
և եկեսցէ ողորմութիւն քո ՚ի
վերայ մեր զամենայն աւուրս
կենաց մերոց, և եղիցի անուն
քո օրհնեալ յաւիտեան և յա-
տեանս յաւիտենից. Ամէն:

Ա.ՍԵԼՆ ՔԾՀԱՆԱՅԻՆ
ՕՐՀՆԵՍԼԻՔ ԵՂԵՐՈՒԹԻՒՆ
Նշանակէ կորհութիւն Տեառն մերոյ
զօր ետ հաւատացելոց իւրօց ՚ի համա-
բաւնախն յերկինս :

Ա.ՂՕԹՔ

ՏԵՐ իմ Յիսուս Քրիստոս,
որ ՚ի համբաւնալն քո առ ՚ի
յերկինս օրհնեցեր զհաւատա-
ցեալս քո՝ խոստանալով նոցա
զմխիթարիչ Սուրբ Հոգին
շնորհեա՛ մեղաւորիս զի յա-
մենայն խորհուրդս, ՚ի բանս
եւ ՚ի գործս իմ օրհնութեան
քում աստուածայնոյ և շնոր-
հաց Հոգւոյդ Արբոյ արժանի
լինիցիմ. Ամէն :

Ա.ՂՕԹՔ ՅԵՏ ԱԿԱՐՏՄԱՆ ՊԱՏԱՐԱԳԻ

Սկիզբն և կատարումն ամե-
նայնի Աստուած, որ ամենայն
բարի ՚ի քէն սկսանի եւ քեւ
կատարի, և ՚ի քեզքովանդակի
ամենայն, ՚ի վախճան աղօթիցս
ողորմեա՛ մեզ, և լեռ ընդ մեզ
զամենայն աւուրս կենաց մե-
րոց. և եղիցի՝ ամենազօր աջ քո
պահապան մեզ յամենայն ժամ
՚ի տուէ և ՚ի գիշերի, ՚ի ննջել
և ՚ի յառնել և զամենայն գոր-
ծըս մեր ՚ի բարին կատարեա՛.
Ամէն :



Ի ՀԱՄԲՈՒԹԵԼՆ ԶԱԶ

ՎՐԱՊԱՏԱՐԱԳՅՑԻՆ ՏԵՇ

ԵՐԵՎԱՆԻ ԵՐԵՎԱՆԻ

Յ Յիշեսցէ՛ Տէ՛ր ղամենայն սպա-
տամարադս քո , Եւ զուխտս քո
ընդունելի արածցէ ։ Խաւաճ



Ա. ՂՕՔ. Բ

Ի ՍԿՍԱՆԻԼ ԳՈՐԾՈՅ

Զգործս ձեռաց մերոց ու-
զիկ արա ՚ի մեզ , Տէ՛ր , և բգ-
գործս ձեռաց մերոց յաջողեա-
մեզ :



Դ Ա Ռ Ա Զ Ա Ն Ք Ա Ն Ա Ն Ա Ն Ա Ն
Ն Ա Խ Ք Ա Ն Զ Խ Ո Ս Տ Ո Վ Ա Ն Ո Ւ Թ Ի Կ Ե
Բ Ա Ն Ք Ե Վ Ա Ն Ա Ն Ա Ն Ա Ն Ա Ն Ա Ն

Եւ քանզի ընդ ողբաձայնիցն
բանաստեղծութեանց վերըն-
ծայելոց զդրութիւն թուոցո
յարմարիցի կական և հեծու-
թիւն , հառաչանք կողկողա-
գինք , դառնութեան լալումն
եւ արտասուաց երգ . դար-
ձեալ սկսայց զճառ պաղատա-
նացն խոստովանօրէն զղջա-
կանաբար զգաղանածածուկն
յայտնաբարբառ , զի անգրա-
դարձութեամբ սկզբմատմբն և
վերջաւորօքն բառիւք , զնոյն

համաձեւութիւն, ՚ի մի թա-
խանձ նմին մաղթանաց հոգե-
կեցոյցն խոնարհութեան աս-
տանօր եդից:

Մեղայ մեծիդ բարերարու-
թեան՝ անարդս մեղայ. մե-
ղայ ծագմանդ ճառագայթից՝
Խաւարս մեղայ. մեղայ չնոր-
հացդ անբաւ երախտեաց՝ ար-
դարեւ մեղայ. Մեղայ սիրոյդ
վերնում գթութեան՝ յայտ-
նապէս մեղայ. մեղայ ստա-
ցողիդ յօշէութենէ՝ ստուգա-
պէս մեղայ. մեղայ գերունակ
գոգայդ գրկանաց՝ անբաւս մե-
ղայ. մեղայ աննուազ լուսոյդ
վայելման՝ նենդողս մեղայ:

մեղայ ճաշտկման անճառոդ կե-
նաց՝ բազումս մեղայ. մեղայ
անհաս պարգեւացդ ձրից՝ հա-
նապազ մեղայ. մեղայ գովեալ
մարմնոյդ Աստուծոյ՝ մահու
չափ մեղայ. մեղայ պաշտելի
արեան Արարչիդ՝ իսկապէս
մեղայ. Ահա արդարեւ օրհ-
նեալ է հատուած բանի յու-
սագրական սրտի այսր մեղայի.
սոյն սա պատուելի աւանդ,
անմոռաց պատուէր, հայրե-
նեացն տուր, նախահարցն օ-
րէն, համայնից թոշակ, ան-
հերքելի բան, զօրաւոր պա-
տասխանի, կենդանութեան
կամուրջ, ախորժելի վերնոյն,

սիրելի սրբոց, անխօգելի կապ,
հրաշալի բարբառ, անշրջելի
պատճառ, բաղձալի աղերս,
փափաքելի սեղան, սրտարեկ
հնչումն, անհնարից ճարակ,
կարծրութեան վանիչ, աստ-
ուածապաշտից սահման, հե-
թանոսաց գիրք, վաղնջուց կա-
նոն, քրիստոնէից հարազատ,
արաքչութեամն յաղթող, ան-
ջըրսկետ հզօր, խորոց ահա-
ւոր, արուեստ բարձրութեան,
խորութիւն անչափ, հիաց-
ման տեսիլ, խորհուրդ կըն-
քեալ. ընդ որ չիք ումեք ան-
ցանել, եթէ ոչ անըմբոնելի
մոաց արագման զսա ծանիցէ:

Զայն բարեպատեհ հրաշաւո-
րական, որ ոչ յիշատակեցաւ
'ի վերջին դատակնիք դասուն
լքելոյ, գուցէ առ նմին խը-
ղեալ համառօտ պլրիժակն ի-
րաւանց մահուն հասելոյ, յոր-
մէ ընտրսւթիւնն ապագործ
եղեալ՝ զսահմանն յաւիտենա-
կան քակտեսցէ: Զարդ փա-
ռաց մեծութեան, որով նոյն
ինքն Աստուածութիւնն պատ-
կեալ բարդաւաճի: Քանզի ով
ոք դիմեալ կալաւ զեղջերաց
սեղանոյ այսր սրբութեան,
և ոչ առ ժամայն պրծեալ 'ի
պատժոց անարատ գտաւ: Իսկ
եթէ Աքար զարմեան եւ Ատ-

ւուղ կիսեան , և Յուղա սիմոնեան ասելով զսոյն ոչ արդարացան , եւ եռ վկայեմ իրաւամբք խոստովանեալ զայս պայման բանի , զի ակամայիցն բռնադատելոց ոչէ կատարեալ սէր , ուստի եւ ոչ բովանդակալէս փրկութիւն : Իսկ ես կամաւ համբռւրեմ դարձեալ կրկնելով զերջանիկ բանիդ զմկրտութեան հարազատս :

Մեղայ երախտեացդ մառացութեան վերստին մեղայ , մեղայ մարմնոյ ձեռն յոգի հարեալ յիմարո մեղայ . մեղայ առ կեանսդ դրժողութեան իսկ և իսկ մեղայ , մեղայ բա-

նիդ ապախտ առնելոյ չարա-
չար մեղայ . մեղայ ՚ի յօր
սատակման ինձէն ստիպեալ
վատթարս մեղայ մեղայ պար-
տականս անկենդան մահուն
ձաղելիս մեղայ . մեղայ ան-
պատկառս քո բարձրութեան
տաղտկալիս մեղայ : Աերջին
ինձ կրկին աշխարհ հոգեւոր
զի ՚ի կորուստ եւ ՚ի կործա-
նումն ինձ երեւեցայ , զի ան-
դարձս վարատեցայ , զի որ-
դիս թշնամի գրեցայ , զի ՚ի
բարձանցն երկնից ընկեցայ ,
զի փուշ վարուց դիզի : Եւ
եւս առ սմին ողբք աղաղակի ,
զի անձամբ զանձն անարգեցի :

զի բագին կորուսչին դատայ՝
Այլիմն կսկիծ դժնդակ սըր-
տի, զի զիս ունին առ որ չեմ,
զարտաքնայարդար բաժակս
անմաքուր, զբռեալ որմս դար-
շունակ, զսին պարձանօք պա-
ճուճեալ, զլոյսս 'ի մուայլ
շրջեալ, զգերտնակիր ակնս՝
թշուառացեալ, զջահս փա-
ռաց՝ շիջեալ, զամենայնիւս
յամենայնի ամենայն իրօք մեա-
սակարս, առ տնօրինականան
տէրունականս, առ յայտնու-
թիւնսն աստուածայինս, առ
երեւմունսն արարչագիրս, առ
խոնարհութիւնսն սարսափե-
լիս, առ այն զո՞ւ տեսի տչօք

իսկ իմովք, առ որ մեծ է պա-
տասխանատուութիւնս քան
առ համօրէն Աւետարանին
զարմանս, հիացմունս, հոգս
հալողականս, անդաճմունս
անհնարաւորս, թուականու-
թիւնս մտաց անբարդելիս,
ելմունս անկատարս, իջմունս
անհաստատս, յուսահատու-
թիւնս յարմարականս, յահ-
դիմանութիւնս պատշաճակա-
նըս, ճաղանս պատեհագոյնս,
նզովս իրաւացիս, անէծս ար-
ժանահատոյցս։ Արդ այսօքիկ
են մեղաւորիս իմ կշտամբու-
թիւնք, եւ ինքնահարուած-
տանջանաւորութիւն։

Եւ քանզի կարող են զայս
ամենայն զպարտս թողուլ, և
զմայթուածս մահու բժշկել,
Տէրողորմութեանց, Աստուած
բոլորից, Քրիստոս թագաւոր
բարձրեալ Հօր Որդի, ստեղծիչ
դիմած բարերար, օրհնեալ
առատ հարուստ, ահաւոր հը-
զօր ողորմած, տեսուչ ձեռըն-
կալ հաստիչ, ասլրեցուցիչ
դարմանիչ կեցուցիչ, Երկայ-
նամիտ անոխակալ ապաւէն,
բժիշկ գովեալ երկնաւոր,
անճառ լոյս կեանք, յարու-
թիւն նորոգութիւն քաւու-
թիւն. Եթէ հայեսցիս մար-
դասիրութեամբ, ըստ որում

քոյդ են սովորութիւնք, նա-
յեցեալ՝ի քեզ կողկողիմ եւ
ես. Եթէ լուիցես, հառաչեմ.
Եթէ ունկն մատուցանիցես,
պաղատիմ. Եթէ անսայցես և
աղերսեմ. Եթէ ներեսցես, ա-
ղաչեմ. Եթէ առ իս դառնայ-
ցես, գոչեմ. Ապա Եթէ ան-
տես առնիցես, կործանիմ. իսկ
Եթէ առ տան հարկանիցես,
լամ. Եթէ զոգեսկահն ոչ ըն-
ծայեսցես, մեռանիմ. ապա
Եթէ ահարկու դէմս ցուցա-
նիցես, սատակիմ. իսկ Եթէ
սաստեսցես, գողամ. Եթէ
իսեթիւ տեսանես, սոսկամ.
ապա Եթէ սաստկանաս, սար-

սակիեմ. եթէ հալածես, հեծեմ.
իսկ եթէ ընդ վայր հարկանի-
ցես, հերքիմ. եթէ զողբոց
վհատութիւնս ոչ առցես,
տագնապիմ. եթէ խստանաս,
փախնում. ապա եթէ սպառ-
նաս, ընկճիմ. իսկ եթէ քըն-
նես, քարկոծիմ. ապա եթէ
ուժգինս ակնարկես, սուզա-
նիմ. եթէ ոչ անխսցեսցես,
մերժիմ. եթէ կոչեսցես, խի-
թամ. իսկ եթէ աչս յառես-
ցես, ամաչեմ. եթէ ձայն տա-
ցես, երկնչիմ. Զբարեացն
պարգեւ մատնեալ, զերանու-
թիւնն թողեալ, զշնորհն լը-
քեալ, զուխտն յրեալ, զո-

ւանդն կենաց մոռացեալ,
զհամարձակութեանն վստա-
հութիւն կորուսեալ. զատեղ-
ծիչդ էիցս բարկացուցեալ,
զանձառութիւն շնորհին ըն-
դոտնեալ, զպատուոյն պատ-
կեր այլայլեալ. իսկ եթէ առ
այս խեղդ մահու հեծութեան
ցաւոց մարդասիրեալ՝ առ իս
ժամանեցուացես, Տէր Յիսուս
Քրիստոս, զարդարեալն դիր
լնանիլ՝ ի յիս, եթէ բժշկու-
թիւն դադարեցուցանէ զմեզս
մեծամեծս, որով ամենառատ
քաղցրութեամբ պատուաս-
տեալ՝ ի քեզ զքոյդ կերպարան
լուսոյ նկարեալ յոգի՝ վերըս-

տին գտեալ պնդեցայց քաւ-
եալ, եւ ստեղծեալ կրկին՝ ի
փրկութիւն անմահից կենացն
անախտականաց . և քեզ ընդ-
Հօր Հոգւովդ . Սրբով փառք
յաւիտեանս . Ամէն :



ԶՂԶՈՒՄՆ

Մեղայ ամենասուրբ Երրոր-
դութեանն՝ Հօր և Որդւոյ և
Հոգւոյն Սրբոյ . Մեղուցեալ
եմ Աստուծոյ, խոստովանիմ
առաջի Աստուծոյ՝ և սրբուհ-
ւոյ Աստուածածնին, և առա-
ջի քո Հայր սուրբ՝ զամենացն

մեղս զոր գործեալեմ: Քանզի
մեղայ՝ խորհրդով, բանիւ եւ
գործով, կամայ եւ ակամայ,
գիտութեամբ եւ անգիտու-
թեամբ . մեղայ Աստուծոյ:

Մեղայ հոգւովս եւ զօրու-
թեամբ սորա, մտօքս և շարժ-
մամբ սորա . մարմնովս և ըգ-
դայութեամբ սորա : Մեղայ
զօրութեամբ հոգւոյս . խորա-
մանկութեամբ, անզգամու-
թեամբ, յանդդնութեամբ և
երկչոտութեամբ, շոայլու-
թեամբ եւ ժլատութեամբ,
զեղխութեամբ եւ անիրաւու-
թեամբ, չարահաւանութեամբ,
յուսահատութեամբ, եւ թե-

բամտութեամբ . . . մեղայ Աս-
տուծոյ :

Մեղայ չար խորհրդով մը-
տացս . նենդութեամբ , ատե-
լութեամբ , խեթիւ , մախա-
նօք , յաչաղանօք , թուլու-
թեամբ , պոռնկական խորհր-
դով , արուական , իդական ,
անասնական , գրաստական ,
գաղանական . 'ի գիշերի և 'ի
տունջեան՝ երազական գիճու-
թեամբ , եւ անրջական գարշ-
աղտեղութեամբ . մեղայ Աս-
տուծոյ :

Մեղայ ցանկութեամբ մար-
մնոյս , հեշտութեամբ , պղեր-
դութեամբ , յօրանջմամբ քնոյ,

շարժութեամբ մարմնոյս , եւ
զազրագործութեամբ 'ի պէս-
պէս ախտո . հեշտալրութեամբ
լսելեացս , արատութեամբ ա-
չացս , ցանկութեամբ սրտիս ,
իգութեամբ ոնդացս , պագ-
շոտութեամբ բերանոյս . ան-
ժուժկալութեամբ , շուայտու-
թեամբ , եւ արբեցութեամբ .
մեղայ Աստուծոյ :

Մեղայ չարաբանութեամբ
լեզուիս . ստախօսութեամբ ,
սուտ երդմամբ , երդմնազան-
ցութեամբ , հակառակութեամբ ,
վիճաբանութեամբ , բանսար-
կութեամբ , շոգմոգութեամբ ,
քսու , դատարկաբանութեամբ ,

և ծաղու , զրախօսութեամբ ,
հերձախօսութեամբ , և անիշ-
ճաբանութեամբ , տրտնջելով ,
դժգոհելով , բամբասելով , և
հայհոյելով . մեղայ Աստուծոյ :

Մեղայ գողութեամբ ձե-
ռացս . ագահելով , զրկելով ,
հարկանելով , սպանանելով ,
և ընդ գարշա ածելով . մեղայ
Աստուծոյ :

Մեղայ ամենայն յօդուա-
ծովք շինուածոյս և ամենայն
անդամօք մարմնոյս . հնդեակ
զգայարանօքս , և վեցեկի շարժ-
մամբս . վերամբարձ ոտնահա-
րութեամբ , եւ վայրաբարչ
մեղութեամբ , յաջ և յահեակ

խոտորելով զառաջնոցն մեղան-
ջելով , և վերջնոցն չար նշաւակ
գոլով . մեղայ Աստուծոյ :

Այլ և մեղայ եօթնիցս յան-
շանօք՝ մահացու մեղօք . հը-
պարտութեամբ՝ եւ մասամբք
նորին . նախանձու՝ և մասամբք
նորին . բարկութեամբ՝ և մա-
սամբք նորին . ծուլութեամբ՝
և մասամբք նորին . ագահու-
թեամբ՝ եւ մասամբք նորին .
որկրամոլութեամբ՝ եւ մա-
սամբք նորին . ըղջախոհու-
թեամբ՝ եւ մասամբք նորին .
մեղոյ Աստուծոյ :

Այլ և մեղայ ամենայն պատ-
ուիրանացն Աստուծոյ , յանձ-

նառելեացն և հրաժարելեացն .
զի ոչ զյանձնառականսն կա-
տարեցի , եւ ոչ 'ի հրաժարե-
լեացն հեռացայ , Զօրէնս ա-
ռի՝ եւ յօրինացն հեղգացայ .
'ի կարգո քրիստոնէութեան
հրաւիրեցայ՝ և գործովս ան-
արժան գտայ . գիտելով զշարն
կամաւ կորացայ , և 'ի բարեաց
գործոց ես ինձէն հեռացայ .
վա՛յ ինձ , վա՛յ ինձ , վա՛յ ինձ :
Զա՞րն ասեմ , կամ զա՞րն խոս-
տովանիմ . զի անթիւ են յան-
ցանք իմ . անասելի են անօ-
րէնութիւնք իմ , աններելի են
ցաւք իմ . եւ անբժշկելի են
վէրք իմ . մեղայ Աստաւծոյ :

ՅԵՏ ԽՈՍՏՈՎԱՆԵԼՈՅ ԶՄԵՂՍ

Քննո՛ղ գաղտնեաց մեղայ
քեզ , կամայ և ակամայ՝ գիտու-
թեամբ եւ անգիտութեամբ .
թողութիւն չնորհեա' մեղաւո-
րիս , զի 'ի ծննդենէ սուրբ ա-
ւազանին մինչեւ ցայսօր՝ մե-
ղուցեալ եմ առաջի Աստուա-
ծութեան քո . զգայարանօք
իմովք եւ ամենայն անդամօք
մարմնոյս . և ողորմեա' քո արա-
րածոց՝ և ինձ բազմամեղիս :

Հայր սուրբ , զքեզ ունիս
միջնորդ հաշտութեան և բա-
րեխօս առ միածին Որդին Աս-
տուծոյ . զի իշխանութեամբք

որ տուեալ է քեզ , արձա-
կեսցես զիս՝ ի կապից մեղաց
իմոց , աղաչեմ զքեզ :



Հ Ա Ռ Ա Զ Ա Ն Ք

ՆԱԽ ՔԱՆ ԶՀԱՂՈՐԴՈՒԹԻՒՆ

ԲԱՆ ԽԵ.

Եւ արդ զի՞նչ գոյ ասել
ամաչեցելոյս յերեսաց մեծիդ-
ահաւորութենէ , բայց եթէ
համրանալ եւ հող՝ ի բերան
եղեալ լոել՝ ի սրտի , ըստ
մարդարէութեանն խրատու ,
ահա՝ ի բարւոյն կարկառեալ
՝ ի յոյս : Իսկ եթէ զփականս

շարժողութեան շրթանցն բա-
ցից , բռնադատեցից խօսել
կամեցեալ , դարձեալ զնոյն
ձայն կրկնակական եղերեր-
դութեան լալեաց բազմու-
թեան խէթ մտացս յառա-
ջադրէ :

Եւ արդ ողբակից մեծ մե-
ղաւորին անօրինելոյ կամու-
առ՝ ի մահ՝ զնորին գոչումն
երկրորդեցից և ես ընդ նմին .
մեղայ , Տէր , մեղայ , և անօրէ-
նութեանց իմոց ինձէն վկա-
յեմ : Հիւսեալ ընդ նմին ըգ-
բանս յիմներորդի Սաղմոսին ,
անթիւս գրեմ զպարտուցս
սակ անձինս մեղաց՝ քան ըգ-

հիւղ երկրի հողմահոս փոշւոյ
ընդ օդս ամենայն տարածե-
ցելոյ :

Մեղայ յերկինս եւ առաջի
քոյ , ընդ անառակ որդւոյն
պատկառեցելոյ հայրենի գը-
թոյդ վերստին դարձեալ թա-
խանճ արկանեմ . զոլորմելի
ճայն աղերսանաց արտօսրա-
ծին ողբովք կոչման 'ի տխուր
դէմս մատուցեալ առաջի քոյ
տարածանեմ , Հայր գթու-
թեանց , Աստուած բոլորից .
չեմ արժանի կոչիլ և ոչ բնա-
ւին առ այս անուանիլ , "չ
միայն որդի , այլ և անպիտան
արաբան վարձկան , Բնիկալ

զովեալս տարածրական պար-
տական վնասուց , Եւ զցաւ
քաղցոյս լլկանաց նեղոյն նուա-
ղեցելոյս՝ կենաց քո հացիւդ
բժշկեսցես . Լեր ընդ առաջ
քո ողորմութեամբդ 'ի սկըզբ
նաւորս ապաւինութեան . ըզ-
գեցո , գթած և անոխակալ ա-
նօրինեալս մեղապարտի զնա-
խակապուտ հանդերձին ծած-
կոյթ . աւանդակորոյս ձեռացս
աղտեղեալ մեղօք՝ զկնիք մա-
տանոյն համարձակութեան
ամենառատ կամօք մատուս-
ցես . զգարշապարացս թշուա-
ռութիւն մերկութեան ոտիցս՝
պատսպարութեամբ աւետա-

բանական ամրավերարկու օ-
դիցս կօշկաց ՚ի յօձին թիւնից
միշտ ամրացուացեա , Զզուա-
րակդ սլարարակի եզինդ երկ-
նայնոյ , որ է միածին Որդիդ
քո օրհնեալ իսկապէս մարդա-
սիրութեամբ , կարօտելոյս բա-
րեաց նուիրեա . որ մատու-
ցեալ միշտ և անպակաս մնայ
՚ի լրութեան յարակայ դեն-
եալ ՚ի սպանդարանի անթիւ
սեղանոյ անսպառութեամբ ,
բոլոր յամենեսին և բնաւ յա-
մենայնում , էութեամբ յեր-
կինս և իսկութեամբ ՚ի ստո-
րինս . աննուազ մարդկու-
թեամբ և անթերի Աստուա-

ծութեամբ . փշրեալ եւ բաշ-
խի ՚ի մասունս անհատս , զի
զհամայնն հաւաքեսցէ առ ՚ի
նոյն մարմին իւրումն գլխոյ .
քեզ փառք ընդ նմին , Հայր
ողորմութեան , յաւիտեանս .
Ամէն :



ԳՈՀՈՒԹԻՒՆ

Ի ԺԱՄՈՒ ՀԱՂՈՐԴՈՒԹԵԱՆ
ինձ մերձենալ առ Աստուած
բարի է , և դնել զյոյս իմ առ
Տէր :

Զրտժակ փրկութեան ըն-
կալաց , և զանուն Տեառն
կարդացից :

Զբերան իմ բացի եւ առի
զհոգի , 'ի պատուիրանս քո
փափաքեաց անձն իմ :



ԱՂԵՐՍԱՆԻ ՑԵՏ ՀԱՂՈՐԴՈՒԹԵԱՆ

ԲԱՆ Բ.

Եւ արդ քանզի առ լարձ-
րեալն Աստուած յօդ աւորա-
կան շրթամբք կարդաս , որ
գործովք միայն գրաւի և ոչ
ստեղծաբանութեամբ կաշա-
ռի , որ յԵգիպտոս միշտ ունիս
զսրտիդ զդարձն , զի՞նչ օրի-
նակ առ այս քեզ նմանադոյն

Եւ յարմարական աստանօր ե-
դից՝ անձն իմ պարտաւոր :
Պատժակիցս կործանեցելոյն
Սոդոմայ , ըմբերանեալ դա-
տախազս նինուէի , անարի
բարբարոսս քան զտիկինն հա-
րաւային , վատթարագոյնս
քան զՔանան , յամառեցեալս
քան զԱմաղէկ , անբժշկականս
քաղաք դրօշելոց , նշաար մը-
նացեալ ապստամբութեան հի-
նըն իսրայէլի , յիշատակարան
պահեալ՝ ուխտազանցութեանն
Յուդայ , կշտամբեալս գեր
քան զՄուր , տարամերժեալս
քան զՄայդան , խորդաբարոյս
քան զԳալիլեա , աններելիս քան

զանհաւանն կափառնառւմ՝
պարսւեցեալս իբր զբորազին,
բամբասեցեալս ընդ հեթսայի-
թայ, անպարկեշտ ծաղկեալ
ալիքս Եփրեմի, աղու աղաւնիս
միշտ յիմարութեամբ՝ այլ ո՛չ
հանդարտութեամբ, ի կորեանց
առիւծուց անձնական օճռ ե-
ղեւնային, կերակ ծուոց քար-
րից լցեալ ժանտութեամբ,՝
պատկերս վերջին հարուածոցն
Երուսաղմի, ըստ քանին Տէ-
րունի՝ և տեսանողացն ձայնի,
տաղաւարս մերժեալ՝ հասեալ
՝ ի կործանումն, խորտակեալ
դրացո վստահարան, եւ կըր-
իին ծրդեալ շինուածս խօ-

սուն, թողեալ ժառանգու-
թիւնս յարմարական, մոռա-
ցեալ տունս Աստուածակերտ,
ըստ բանից նախագրելոցն՝
Մովսէսի, Դաւթայ եւ Ե-
րեմիայի։ Յարկս բանական՝
ունողմ բորսութեան, հար-
ուածեալս խրատու քերմանն՝
օրինիւ կազդուրեալ, օծեալ
կաւովն՝ ողքական հեզու-
թեամբն. անձարակ գտեալ
յելս հնարից, քակտեալ վե-
րստին ձեռամբ շինողին, տր-
տաքս ընկեցեալ իրաւացի հա-
տուցմամբ հրամանաւ հզօրին՝
՝ ի տեղի անսուրբ. հերքեալ
տարագրեալ խտրոցաւ մե-

ծաւ՝ ամենայնիւ առանց խը-
նայելոյ , ծածկեալ դրամս
յերկրի չարեօք ըստ աւան-
դակորոյս ժխտողին՝ որ յա-
ւետարանին ցուցանի :

Այլ դու , Աստուած , Աստ-
ուածդ հոգւոց եւ ամենայն
մարմնոց՝ ըստ դաւանելոյ աս-
տուածաշնորհին , Երկայնամիա
եւ բազումողորմ՝ ընդ սրբոյն
Յովսանու ձայնին , շնորհեա՛
կատարել՝ ի քոյդ հաճութիւն
օրհնեալդ կամաց՝ զըսկզբնա-
ւորեալ մատեան մաղթանաց
այսր ողբերգութեան : Եւ ընդ
լալով սերմանել բանիս՝ ի նա-
խընթաց չուս աստիճանաց օ-

թեանացս սկատրաստութեան ,
՚ի կատարածն ժամանելոյ հա-
ւաքման հընձոցն՝ դարձացց
բերկրեցեալ լրութեամբ քա-
ւութեան՝ պտղոյն երանու-
թեան , որայիցն բարութեան :
Մի՛ տացես ինձ արգանդ սրտի
անորդի՝ իբր իսրայէլի , և ըս-
տինս աչաց ցամաքեալս , ո՛վ
ամենագութ ։ Լո՛ւր բանից
մաղթողիս , հզօր և ողորմած ,
նախ քան երկնի , և երկին երկ-
րի , և նա ցորենոյ և գինւոյ և
ձիթոյ , և նոքա իսրայէլի : Եւ
երկնաւորացն աղերս որ առ
քեզ՝ հոգւոյս աղդեսցէ , քանթէ
տարերաց ապականացուաց :

Դու ստեղծիչ՝ և ես կաւ . բա՛ց
ատրակուսելոյս՝ ի մուտս մաղ-
թանաց այսր հեծութեան՝ կա-
մըս քաղցրութեան՝ զօրանալ
աստէն . պի մի՛ ՚ի բանալ վեր-
նայինն երկրի , անընտիր գլ-
տեալ կրթութեան վայելման
լուսոյ՝ իբր զնիւթ մոմոյ սպա-
ռեցայց ջնջեալ՝ ի միջոյ : Ոգի
զրկելոյս , ըստ մաղթանաց
գոշման ասողին , և ոյժ թալ-
կացելոյս , և կեանք մաշելոյս՝
մտացո խղճիւ , այլ ո՛չ տա-
ժանմամբ կրից աշխատու-
թեան՝ զքեզ խնդրելոյ , ա՛ռ
զաւանդ մաղթանացս , և տո՛ւր
զողոմութիւն քո չնորհացդ .

ընկալ զփոքրս ՚ի տկարէս , և
չնորհեա՛ զմեծդ առ՝ ի հզօրէդ .
զօրացո՛ զբանս զլջման , առա-
քեալ առ մեզ զՀոգիդ ՚ի բար-
ձանց՝ Աստուածաշունչ պատ-
գամօքս ՚ի սմա եղելոցս : Պար-
գեւեա՛ , բարերար , զառակն
եսայեայ լուսաւորել առ ճըշ-
մարտութիւնն , մատուցանե-
լով մահու արժանոյս՝ ընդ-
պղնձոյս գոյի անարգս ճայնի՝
զսոկի քո չնորհի , ընդ անզար-
դութեան երկաթոյս սեւու-
թեան գունոյս՝ պղինձ պըճ-
նալից , ցոյցք առաքինութեան
հրաշեկ կիբանանու ,
ընդէ՞ր կարծրացուցանես

զսիրտ՝ եղկելոյս չերկնչել՝ ի
քէն, անճառ և ահաւոր։ Մի՛
եղից անպտուղ՝ ի փոքր վաս-
տակոյս՝ իբր ապաջան սերմա-
նող անբեր երկրի։ Մի՛ լիցի-
ինձ երկնել եւ ոչ ծնանել,
ողբալ և ոչ արտասուել, խոր-
հել եւ ոչ հառաչել, ամպել
եւ ոչ անձրեւել, ընթանալ
եւ ոչ հասանել, ինձ ձայնել
և քեզ ոչ լսել, պաղատիլ և
անտես մնալ, կողկողել և ոչ
ողորմիլ, աղաչել եւ ոչ ինչ
օգտել, զոհել եւ ոչ ձենձե-
րել, զքեզ տեսանել եւ դա-
տարկ ելանել։ Լուր ինձ նախ-
քան զկարդալս իմ առ քեզ,

միայնդ հզօր՝ մի՛ զանվճար
տանջանացն տոյժս՝ ընդ թը-
ւով աւուրց մեղաց կեցելոյս
չարագործիս ինձ հատուցա-
ներ և կեցո զիս, գթած։ լուր
ինձ, ողորմած։ մարդասիրեա,
ներող։ խնայեա, երկայնա-
միտ։ պաշտպանեա, ապաւէն-
բարերարեա, հզօր։ աղատեա,
ամենակալ. կենագործնեա, նոր-
ըոգող։ վերականգնեա, ահա-
ւոր։ լուսաւորեա, երկնային-
բժշկեա, հնարաւոր։ քաւեա,
անքննին։ պարդեսատրեա, ա-
ռատ։ ընորհազարդեա, աննա-
խանձ։ հաշտեա, անախտակիր-
ընկալ, անոխակալ։ սրբեա։ ին-

զանտկնկալն բարի՝ չարիս՝ իյուռ-
սահատութեանն աւուր շնոր-
հեցես։ Քաւ լիցի քեզ, բարե-
բանեալ, որ փրկութիւնդ ես
ամենայնի, եթէ ախտացեալս
քո ոչխարի՝ գազան դժնդակ
տացես ուղեկից, մեզօք մեռե-
լոյս՝ անախտ կեանք, կործա-
նելոյս պարտեօք՝ փրկութիւն։

պարտուց, օրհնեալ։ Եթէ յա-
ռեցից զաչս իմ նայեցեալ՝ ի
հայեցուածս երկուց վտանգից
յաւուր թշուառութեան, ըզ-
քոյդ տեսից փրկութիւն՝ յոյս
և խնամակալ. եթէ նկատեալ
դիտեցից՝ ի վեր յամենագրաւ-
ուղին սոսկալի, հրեշտակ քո
խաղաղութեան քաղցրութեամբ
ինձ պատահեսցէ։ Ցոյց ինձ,
Տէր,՝ ի յելիցն աւուր շնչոյս
արձակման՝ մաքրութեան ոգի
լուսով ամբարձեալ՝ ի յերկնա-
ւորացն երջանկաց՝ պարգեւօք
սիրոյ քոյ եկեալ հասեալ յար-
գարոցն կատարելոց։ Կարեաց
ինձ կցորդ ժամանեցուացես։

Սրդեօք մոռասցի՞ս զբարե-
րարելդ՝ ակնկալութիւն, ան-
տեսեցե՞ս զգթասիրելդ՝ խը-
նամուլ, այլայլեսցե՞ս զմարդա-
սիրելդ՝ անփոփոխ, նահան-
ջեցե՞ս զկենագործելդ՝ ան-
վախճան, թողուցո՞ւս զողոր-
մութիւնդ՝ երջանիկ պտուզ։

Աղաւազեսցե՞ն զքաղցրութիւն-
նըդ , բարեշնորհ ծաղիկ . ան-
պատուեսցե՞ն զնիւթ պանծու-
նաց քումդ ճոխութեան . յե-
զանակեսցե՞ն զփառս կենաց
քումդ բարձրութեան . ոչ պա-
հեսցես զվայելչական զարդ
պայծառութեանդ քում պլը-
տակի : Եթէ ովարմածացն է
երանութիւն , այլ դու բնաւ
խսկ արքայութիւն՝ լցեալ փա-
փաքմամբ , ոչ զբոլորն պար-
գեւեսցես փրկութիւն . ոչ
մատուցանիցես դեղ վիրացս ,
ոչ սպեզանիս խոցուածոյս ,
ոչ դարման տկարութեանս ,
ոչ ծագեսցես լըս 'ի խօսւա-

րի՝ յուսացելըս 'ի քո զօրու-
թիւնդ , ապաւէնդ կենաց ,
պարգեւդ տիեզերաց . Որ մի-
այնդ ունիս փառս ինքնու-
թեամբ , իսկութեամբ ևյարա-
կայ մշտնջենաւորութեամբ ,
վկայեալ 'ի բնաւից , գովեալ
'ի բոլորից , օրհնեալ եւ փա-
ռաւորեալ յերիս յաւիտեանս ,
և անդր քան զպայման սահ-
մանի իմանալեացն յաւիտե-
նից . Ամէն :



ՀԱՆԴԱՆԱԿ

ՀԱՒԱՏՈՅ

Հաւատամք՝ ի մի Աստուած՝
ի Հայրն ամենակալ՝ յարարիչն
երկնի եւ երկրի, երեւելեաց
և աներեւութից :

Եւ՝ ի մի Տէր Յիսուս Քրիս-
տոս Որդին Աստուծոյ՝ ծնեալն
յԱստուծոյ Հօրէ՝ միածին,
այսինքն յէռութենէ Հօր։ Աս-
տուած յԱստուծոյ, լոյս՝ ի լու-
սոյ, Աստուած ճշմարիտ յԱս-
տուծոյ ճշմարտէ՝ ծնունդ եւ
ոչ արարած։ Նոյն ինքն՝ ի րը-
նութենէ Հօր, որով ամենայն

ինչ եղեւ յերկինս և՝ ի վերայ
երկրի, երեւելիք եւ աներե-
ւոյթք։ Որ յաղագս մեր մարդ-
կան եւ վասն մերոյ փրկու-
թեան՝ իջեալ՝ ի յերկնից մար-
մնացաւ, մարդացաւ, ծնաւ
կատարելապէս՝ ի Մարիամայ
սրբոյ կուսէն Հօգւովս Սրբով։
Որով էառ զմարմին զհոգի և
զմիտ եւ զամենայն որ ինչ է
՝ ի մարդ, ճշմարտապէս և ոչ
կարծեօք։ Զարչարեալ, խա-
չեալ, թաղեալ, յերրորդ ա-
ւուր յարուցեալ, ելեալ՝ ի յեր-
կինս նովին մարմնովն՝ նստաւ
ընդ տջմէ Հօր։ Գալսց է նո-
վին մարմնովն և փառօք Հօր

'ի դատել զկենդանիս և ըզմեռեալս , որոյ թագաւորութեանն ոչ գոյ վախճան :

- Հաւատամք և 'ի Սուրբ Հոգին՝ յանեղն և 'ի կատարեալն , որ խօսեցաւ յօրէնս և 'ի Մարդարէս եւ յԱւետարանս : Արջն ՚ի Յորդանան , քարոզեաց զԱռաքեալն , և բնակեցաւ 'ի սուրբսն :

Հաւատամք և 'ի մի միայն ընդհանրական և յԱռաքելական Եկեղեցի , 'ի մի մկրտութիւն , յապաշխարութիւն , 'ի քաւութիւն և 'ի թողութիւն մեղաց : Ի յարութիւն մեռելոց , 'ի դատաստանն յաւիտե-

նից հոգւոց և մարմնոց , յարքայութիւնն Երկնից եւ 'ի կեանան յաւիտենականս :

Իսկ որք ասեն՝ էր երբեմն յորժամ ոչ էր Արդի . կամ էր Երբեմն , յորժամ ոչ էր Սուրբ Հոգի . կամ թէ՝ յոչէից եղեն , կամ յայլմէ էութենէ ասեն չինիլ զՈրդին Աստուծոյ եւ կամ զՍուրբը Հոգին , եւ թէ՝ փոխոխելիք են կամ այլայլելիք , զայնպիսիսն նզովէ Կաթողիկէ և Առաքելական սուրբ Եկեղեցի :

Ի սրբայ Առաստորչէն մերմէ ասացեալ :

Իսկ մեք փառաւորեացուք


որ յառաջ քան զյաւիտեանս ,
 երկիրպագանելով սրբոյ Եր-
 րորդութեանն եւ միոյ Աստ-
 ուածութեանն Հօր և Որդւոյ
 եւ Հոգւոյն Սրբոյ , այժմ եւ
 միշտ եւ յաւիտեանս յաւիտե-
 նից . Ամէն :



ԱՂՋՄԻ
ԵՐԵԿՈՅԵԱՆ

ԱՌԱՔԵԱՌ, Տէր, զլոյս քո
եւ զճշմարտութիւն քո, զի
առաջնորդեացեն ինձ և հան-
ցեն զիս 'ի լեառն սուրբ և 'ի
յարկս քո:

Մտից առաջի սեղանոյ Աս-
տուծոյ առ Աստուած, որ ու-
րախ առնէ զմանկութիւն իմ:
Խոստովան եղէց քեզ օրհ-
նութեամբ, Աստուած Աստ-
ուած իմ:



C. BARUCH

Արդ՝ ընդէ՞ր տրտում ես
անձն իմ, կամ ընդէ՞ր խռովես
զիս · յուսա՛ առ Աստուած,
խռոտովանեա՛ նմա՝ Փրկիչ ե-
րեսաց իմոց Աստուած է:

Փառք Հօր եւ Որդւոյ եւ
Հոգւոյն Սրբոյ:

Այժմ և միշտ և յաւիտեանս
յաւիտենից · Ամէն:

Եւ եւս խաղաղութեան զՏէր աղա-
շեցուք, ընկալ կեցն և ողորմեա:

Որհնութիւն և փառք Հօր և Որդւոյ
և Հոգւոյն Սրբոյ, այժմ և միշտ և
յաւիտեանս յաւիտենից · Ամէն:

Եկեսցէ ՚ի վերայ իմ ողոր-
մութիւն քո, Տէր, և փրկու-
թիւն քո ըստ բանի քում:

Տաց սկատամիսանի ոյք նա-
խատեն զիս բանիւք, զի ես
՚ի բանս քո յուսացայ ։
Մի՛ ՚ի բացեայ առներ՝ ի բե-
րանոյ իմմէ զբան ճշմարտու-
թեան մինչեւ յոյժ, զի յիշա-
ռունս քո յուսացայ ։

Պահեցի զօրէնս քո յամե-
նայն ժամ, յաւիտեան և յա-
ւիտեանս յաւիտենից ։

Գնայի ես յանդորրու, զի
զպատութիրանս քո խնդրեցի :

Խօսէի զվկայութիւնս քո ա-
ռաջի թագաւորաց, եռոցա-
մաշէի:

Խորհէի ՚ի պատուիբանս քո,
զոր սիրեցի ։

Համբարձի զծեւս իմ 'ի պատուիրանս քո զոր սիրեցի , և
 խորհէի յարդարութեան քում :
 Յիշեա զրան ծառայի քո ,
 յոր և յուսացուցեր զիս :
 Սա միմիթարեսցէ զիս 'ի խո-
 նարհութեան իմում , զի բան
 քո կեցոյց զիս :
 Ամբարտաւանք անիրաւե-
 ցան յիս յոյժ , այլ յօրինաց
 քոց ես ոչ խոտորեցայ :

Յիշեցի զիրաւունս քո յաւի-
 տենից , Տէր , և միմիթարեցայ :

Տրտմութիւն կալաւ զիս 'ի
 մեղաւորաց , եւ ոյք թողին
 զօրէնս քո :

Դովելի են ինձ իրաւունք

քո 'ի տեղւոջ պանդխոտւ-
 թեան իմոյ :

Յիշեցի 'ի գիշերի զանուն քո ,
 Տէր , և պահեցի զօրէնս քո :

Սա եղեւ ինձ ճանապարհ
 'ի կեանս , զի զարդարութիւնս
 քո խնդրեցի :

Զանօրէնս ատեցի , և զօրէնս
 քո սիրեցի :

Օդնական և Փրկիչ իմ ես գուլ ,
 և ես 'ի բանս քո յուսացայ :

Ի բաց եղերուք յինէն չարք ,
 և քննեցից զպատուիրանս Աս-
 տուծոյ իմոյ :

Օդնեա ինձ ըստ բանի քում ,
 և կեցո զիս , և մի' յամօթ առներ
 զիս 'ի յուսոյ իմմէ :

Թգնեա ինձ և տաղրեցո զիս,
և խորհեցայց յիրաւունս քո
յամենայն ժամ:

Անարդեցեր զամենեսեան
որք ապատամբք եղեն յարդա-
րութեանց քոց, զի անիրաւու-
թեամբ էին խորհուրդք նոցա-
Յանցաւորս համարեցայ զա-
մենայն մեղաւորս երկրի, վասն
այսորիկ սիրեցի զպատուիրա-
նըս քու:

Բեւեռեա ընդ երկիւղ քո
զմարմին իմ, զի՞ւի դատաս-
տանաց քոց երկեայց յոյժ ասա-
Մերձեսցին խնդրուածք իմ
առաջի քո, Տէր, ըստ քանի քում
իմաստուն արտ զիս:

Մացեն աղօթք իմ առաջի քո
Տէր, և բանիւ քով փրկեա զիս
Բղիւեսցեն շրթունք իմ զօրհ-
նութիւնս քո, յորժամ ու առւ-
ցես ինձ զարդարութիւնս քո:
Խօսեսցի լեզու իմ զբանս քո,
զի ամենայն պատուիրանք քո
արդարութեամբ են.
Եղիցի ձեռն քո ՚ի կեցաւցա-
նել զիս, զի զպատուիրանս քո
ընտրեցի:

Յանկացայ փրկութեան քում
Տէր, և օրէնք քո խօսք իմ էին:
Կեցցէ անձն իմ օրէնեսցէ-
զքեզ, եւ իրաւունք քո օդ-
նեսցեն ինձ:
Մոլորեցայ ես մրգէս զոչ-

խար կորուսեալ խնդրեա ըղ-
ծառայս քո զի զպատուիրանս
քո ես ոչ մոռացայ :

Մի՛ եկեսցեն ՚ի վերայ մեր
ոտք ամբարտաւանից, և ձեռք
մեղաւորաց մի՛ դողացուացեն
զմեզ :

Անդ անկցին ամենեքեան
ոյք գործեն զանօրէնութիւն .
մերժեսցին և այլ մի՛ կարաս-
ցեն հաստատիլ :

Ես ՚ի Տէր յուսացայ, շնծա-
ցայց և ուրախ եղէց յԱստուած
փրկիչ իմ :

Տէր Տէր ետ ինձ զօրու-
թիւն, և կացոյց զոտս իմ ՚ի
հաստատութեան, ՚ի վերայ պա-

դանոցիթ շնամեոյն կացոյց զիս,
և հանգոյց զիս երագ երագ :
Որ բնակեալնէ յօդնութիւն
բարձրելոյն, ընդ հովանեաւ
Աստուծոյ յերկինս հանդիցէ :
Ասասցէ ծեառն՝ ընդունող
իմ ես դու, ապաւէն իմ Աստ-
ուած, և ես յուսամ ՚ի նա :

Նա վրկեսցէ զիս յորոգայ-
թէ որսողին, և ՚ի բանիցն ՚ի
խռովութենէ :

Ի թիկնամէջս իւր ընկալցի
զքեզ, և ՚ի հովանի թեւոց նո-
րա յուսացիս :

Որպէս զէն շուրջ եղիցի ըղ-
քեւ ճշմարտութիւն նորա :

Ոչ երկիցես դու յերկիւդէ

գիշերի , եւ ոչ 'ի նետէ որ
թռչի 'ի տուէ :

Յիրէ որ շրջի 'ի խաւորի ,
'ի գայթակղութենէ դիւխն 'ի
հապարակ աւուր :

Անկցին 'ի կողմանէ քումմէ
հազարք , և բիւրք ընդ աջմէ
քումմէ , եւ առ քեզ ինչ ոչ
մերձեսցին :

Բայց միայն աչօք քովք հա-
յեսցիս դու , և զհատուցումն
մեղաւորաց տեսցես , զի դու ,
Տէր , յայս իմ ես :

Զբարձրեալն արարեր քեզ
ապաւէն , զի ոչ հասցեն առ
քեզ չարք , եւ տանջանք մի՛
մերձեսցին 'ի յարկս քո :

Հրեշտակաց իւրոց պատուի-
րեալէ վասն քո , 'ի պահել ըլ-
քեզ յամենայն հանապարհս քո :
Ի բազուկս իւրեանց ընկալ-
ցին զքեզ , զի մի՛ երբէք հար-
ցես զքարի զստն քո :

Ի վերայ իժից եւ քարրից
դնացես դու , և առ սան կո-
խեսցես զառիւծն և դվիշապն :

Քանզի յիս յուսացաւ , ես
փրկեցից զնա . հռվանի եղէց
նմա , զի ծանեաւ զանուն իմ :

Կարդասցէ առ իս , եւ ես
լուայց նմա , և առ նմա եղէց
'ի նեղութեան :

Փրկեցից եւ փառաւոր ա-
րարից զնա , երկայն սւաւրք

լցուցից, և ցուցից նման վիրա-
կութիւն իմ։ Առ քեզ, Տէր, համբարձի
զաշս իմ, որ լնակեալդ ես
՚ի յերկինս։

Որպէս աչք ծառայի՞ի ձեռն
Տեառն իւրոյ, և որպէս աչք ա-
ղախնոյ ՚ի ձեռն տիկնոջ իւրոյ։

Այնպէս են աչք մեր առ
քեզ, Տէր Աստուած մեր, մին-
չեւ ողորմեսցիս ՚ի վերայ մեր։

Ողորմեա մեզ, Տէր, ողորմեա
մեզ, զի բազում լցաք արհա-
մարհանօք։

Եւս առաւել լցան անձինք
մեր նախատանօք, որք նա-
խատէին զմեզ, եւ արհամար-

հանօք ամբարտաւանից։

Աստուած, յանուան քում
կեցո զիս, եւ ՚ի զօրութեան
քում իրաւ արա ինձ։

Աստուած, լուր աղօթից
իմոց, ունկն դիր բանից բե-
րանոյ իմոյ։

Օտարք յարեան ՚ի վերայ
իմ, և հզօրք խնդրեցին զանձն
իմ, եւ ոչ համարեցան զքեզ
Աստուած առաջի իւրեանց։

Ահա Աստուած օգնական իմ,
և Տէր ընդունող հոգւոյ իմոյ։

Ի դարձուցանել զչարն ՚ի թը-
նամիսն իմ, ճշմարտութեամբ
քով սպատակեա զնոսա։

Ես կամովք իմովք սլատա-

րագս մատուցից քեզ, և խոս-
տովան եղէց անուան քում,
Տէր, զի բարի է :

Յամենայն նեղութենէ իմմէ
փրկեցեր զիս, և 'ի թշնամիս
իմ ետես ակն իմ :

Օրհնեալ ես Տէր Աստ-
ուած Հարցն մերսց, գովեալ
և առաւել բարձրացեալ անուն
քո յաւիտեան :

Եւ օրհնեալ է անուն սուրբ
փառաց քոց, գովեալ և առա-
ւել բարձրացեալ անուն քո
յաւիտեան :

Օրհնեալ ես 'ի տաճարի
փառաց սրբաւթեան քո, գո-
վեալ և առաւել բարձրացեալ

անուն քո յաւիտեան :
Օրհնեալ ես 'ի վերայ ա-
թոռոյ արքայութեան քո, գո-
վեալ և առաւել բարձրացեալ
անուն քո յաւիտեան :

Օրհնեալ ես սր նստիս 'ի
քրօբէս և հայիս յանդունդս,
գովեալ և առաւել բարձրա-
ցեալ անուն քո յաւիտեան :

Օրհնեալ ես 'ի վերայ հաս-
տատութեան երկնից, գովեալ
և առաւել բարձրացեալ անուն
քո յաւիտեան :

Օրհնեցէք զԱստուած 'ի սըր-
բութեան նորա, օրհնեցէք ըղ-
նա 'ի հաստատութեան 'ի զօ-
րութեան նորա :

Օրհնեցէք զնա 'ի զօրութեան
նորա, օրհնեցէք զնա 'ի բա-
զում մեծութեան նորա:

Օրհնեցէք զնա 'ի ձայն օրհ-
նութեան, օրհնեցէք զնասաղ-
մոսիւք և օրհնութեամբ:

Օրհնեցէք զնա ցնծութեամբ,
գովեցէք զնա ուրախութեամբ:

Օրհնեցէք զնա 'ի բանս քաղ-
ցըր, գովեցէք զնա 'ի բարբառ
լսելիս:

Օրհնեցէք զնա 'ի ձայն գո-
հութեան, ամենայն հոգիք
օրհնեցէք զՏէր:

Արդարձակեա' զծառայս քո
Տէր, ըստ բանի քում 'ի խա-
լաղութիւն, զի տեսին աչք իմ:

Վիսկութիւն քո վոր պատրաս-
տեցեր առաջի ամենայն ժո-
ղովրդոց:

Լոյս յայտնեցար հեթանո-
սաց, եւ փառք ժողովրդեան
քում իսրայէլի:

Զգեցեր զձեռն քո՝ և փըր-
կեաց զիս աջ քո, և Տէր հա-
տուսցէ ընդ իմ:

Տէր, ողորմութիւն քո յա-
ւիտեան, զգործս ձեռաց քոց
մի' անտես առներ:

Տէր, հան 'ի բանտէ զանձն
իմ, գոհանամ զանուանէ քում-
մէ:

Եւ քեզ սպասեն արդարքն
մինչեւ հատուսցես:

Մեծացուացէ անձն իմ ըգ՝
Տէր և յնծասցէ հոգի իմ Ասա
տուծով փրկչաւ իմով սփոխով
Այց արար ՚ի վերայ խո-
նարհութեան աղախմոյ իւրոյ
այսուհետեւ երանիցեն ինձ
ամենայն աղգքաւ :

Արար ընդ իս մեծամեծս
հզօրն , և ըստուրք է անուն
նորա : Ըստմագալաց ամփեան :

Ողորմութիւն արար աղ-
գաց յազգս երկիւղածաց իւ-
րոյ , և արար զօրութիւն բազ-
կաւ իւրով :

Ցրուեաց զամբարտաւանտ
ի մտաց սրտից , և քակեաց
զհզօրս յաթոռուց :

Զիսնարկս բարձրացոյց ,
զկարօտս ելից բարութեամբ ,
եւ զմեծատունս արծակեաց
ունայնու :

Պաշտպանեաց Իսրայէլի
ծառայի իւրոյ , յիշելով զո-
ղորմութիւն իւր :

Արար խօսեցու առ հարսն
մեր , ընդ Աբրահամու և զա-
ւակի նորա յաւիունու :

Տուր զօրութիւն ծառայի
քոյ , կեցո զորդի աղախնոյ
քոյ , և արա առ իս նշան բա-
րութեան :

Տեսցեն ատելիք իմ և ամա-
չեսցեն , զի դու Տէր , օդնեցեր
ինձ և մխիթարեցեր զիս :

Փառք Հօր և Արդւոյ և Հո-
գւոյն Սրբոյ։ Այժմ և միշտ և այաւիտեանս
յաւիտենից։ Ամէն ծ

ՄԱՂԹԱՆՔ

Անձն իմ 'ի ձեռս քո է յամե-
նայն ժամ, և 'ի սուրբ Խաչ քո
յուսացեալ եմ թագաւոր երկ-
նաւոր, զբազմութիւն սրբոց
քոց բարեխօս ունիմ առ քեզ,
որ երկայնամիտդ ես առ ամե-
նեսեան, մի' անտես առներ
զապաւինեալս 'ի քեզ, այլ
պահեա պատուական և սուրբ
Խաչիւ քով 'ի խաղաղութեան

թԱՐՈՒ. Աղաջեսուք զպմենակալն
Աստուած և խնդրեսուք 'ի
նմանէ, զի առաքեսցէ զհրեց-
տակ խաղաղութեան, որ ե-
կետը պահեսցէ զմեզ յերկիւ-
զական գիշերիս, 'ի գիւական
խովութենէ, ամբողջ պահե-
լով զհոգի եւ զմարմին մեր
մինչեւ 'ի կատարու մն ժամա-
նակի ամաց մերոց ամենակալ
Տէր Աստուած մեր կեցո եւ
ողորմեա,

Զհանգիստ գիշերիս խաղա-
զութեամբ անցուցանել հաւա-
տով 'ի Տեառնէ խնդրեսուք

Զէրեշտակ իսաղաղութեան
պահտալան անձանց մերոց ՚ի
Տեառնէ իսնդրեսցուք:

Զքաւութիւն և զթողութիւն
յանցանաց մերոց ՚ի Տեառնէ
իսնդրեսցուք:

Զպրոյ Խաչին մեծ և կտրող
զօրութիւն՝ յօդնութիւն ան-
ձանց մերաց ՚ի Տեառնէ իսընդ-
րեսցուք:

Եւ եւս միաբան վասն ճշմա-
րիտ և սուրբ հաւատոյս մերոյ
զՏէր աղաչեսցուք:

Զանձինս մեր և զմիմեանս
Տեառն Աստուծոյ ամենակալին
յանձն արասցուք:

Ողորմեաց մեզ Տէր Աստուծած

մեր ըստ մեծի ողորմութեան
քում ասասցուք ամենեքեան
միաբանութեամբ ։

ԱՂՅԹՔ

Տէր Աստուծած մեր գուպա-
հեա զմեզ իսաղաղութեամբ ՚ի
զիշերիս յայտմիկ և յամենայն
ժամանակի, Ընդ սուրբ եր-
կիւղ քո բեւեռեալ պահեա
զմիտս եւ զխորհուրդս մեր,
որպէս զի յամենայն ժամ քեւ
պահպանեալ լիցուք յորոդայ-
թից թշնամոյն, և քեզ հան-
ցուք զօրհնութիւն և զփառս
Հօր և Որդւոյ և Հոգւոյ Արբոյ,

այժմ և միշտ և յաւիտեանս
յաւիտենից . Ամէն ,

Խ ՍՊԸՆԵԹԻՆ ԱՄԵՆԵԳՈՒՆ :
Աստուծոյ Երկիրպագեցուք :

Հրեշտակի խաղաղութեան
յանձն արա զանձինս մեր Տէր
զօրութեանց , որ Եկեալ պա-
հեսց զմեզ անխռովս 'ի տուէ
և 'ի գիշերի , յարթնաւթեան
և 'ի հանգոտեան մերում . զի
դու ես արարիչ լուսոյ և համ-
տիչ գիշերի ։ Եօ այժմ աղա-
շեմք զքեզ , Տէր Աստուծած մեր
զհանգիստ գիշերիս չնորհեա
խաղաղութեամբ անցուցանել ,
և հասանիլ 'ի պաշտօն առա-

ւուռ յերկրապատութիւն եւ
'ի փառաբանութիւն ամենա-
սուրբ Երրորդութեանդ , այժմ
և միշտ և յաւիտեանս յաւի-
տենից . Ամէն ,

ՍՍՂՄՈՍ

Խաղաղութեամբ յայս և 'ի
սոյն ննջեսցուք և զարթիցուք ,
զի գու , Տէր , միայն առանձին
յուսով քով բնակեցուցեր ըզ-
մեզ :

Ի կարգալ իմում լուար ինձ
Աստուծած , լստ արդ արութեան ,
'ի նեղութենէ ինձ անդսրբ աշ-
րաբեր , ողորմեա ինձ և լուրջ
աղօթից իմաց :

Որդիք մարդկուն՝ մինչեւ
յե՞րբ էք խստասիրտք, ընդէ՞ր
սիրէք զնանրութիւն, և խըն-
դրէք զատութիւն ։

Ծաներուք զի ոքանչելիս
արար Տէր սրբոյ իւրում, եւ
Տէր լուիցէ ինձ 'ի կարդալ
իմում առ նա ։

Բարկանայք՝ և մի՛ մեղան-
չէք ։ զոր ինչ ասէք ՞ի տիրու-
ձեր՝ յանկողինս ձեր զղջացա-
րուք ։

Մատուցէք պատարագս
արդարութեան, և յուսացա-
րուք ՚ի Տէր ։

Բազումք ասէին թէ ո՛ցուց-
ցէ մեզ զրարութիւն Տեառն ։

Նշանեցաւ առ մեզ լոյս երե-
սաց քոց, և ետուր ուրախու-
թիւն սրտից մերոց ։

Ի պտղոյ ցորենոյ գինոյ
եւ ձիթոյ իւրեանց լցուցեր
զնօսա ։

Խաղաղութեամբ յայս և 'ի
սոյն ննջեսցուք և զարթիցուք,
զի գու Տէր միայն առանձին
յուսով քով բնակեցուցեր ըդ-
մեզ ։

Աւելուիս Օրթի ։

Խաղաղութիւն ամենեցուն ։

Եւ ընդ հոգւոյդ քում ։

Երկիւղածութեամբ լուարուք ։

Արբ Աւետարանիս Յիտուսի Քրիս-

տոսին որ ըստ Յովհաննու ։

Փառք քեզ Տէր Աստուած մեր :

Պատուիումէ :

Ասէ Աստուած :

Տէրն մեր Յիսուս Քրիստոս ասէ :

Ամէն ամէն ասեմ ձեզ .
Եթէ ո'չ հատն ցորենոյ ան-
կեալ յերկիր մեռանիցի , ինքն
միայն կայ : Ասլա Եթէ մեռա-
նիցի , բազում արդիւնս առնէ :
Որ սիրէ զանձն իւր՝ արձակէ
զնա . և որ ատեայ զանձն իւր
յաշխարհիս յայսմիկ , ՚ի կեանս
յաւիտենականս պահեսցէ ըզ-
նա : Եթէ ոք զիս պաշտեսցէ ,
զկնի իմ եկեոցէ , եւ ուր եսն
եմ , անդ և պաշտօնեայն իմ

Եղիցի : Եթէ ոք զիս պաշտիցէ ,
պատուեսցէ զնա Հայր իմ :
Փառք քեզ Տէր Աստուած մեր :

ԲԱՐՈՁ

Սուրբ Խաչիւս աղաչեսցուք
զՏէր՝ զի սովու փրկեսցէ ըզ-
մեզ ՚ի մեղաց , եւ կեցուացէ
չնորհիւ ողորմութեան իւրոյ .
ամենակալ Տէր Աստուած մեր
կեցո և ողորմեա :

ԱՂՕԹՔ

Պահպանէա՛ զմեզ , Քրիստոս
Աստուած մեր , ընդ հսվանեաւ
սուրբ և պատուական Խաչի քո

ի խաղաղութեան . վրկեա' յե-
րեւելի և յաներեւոյթ թշնա-
մոյն : Արժանաւորեա' գոհու-
թեամբ փառաւորել զքեզ ընդ
Հօր և ընդ Արբոյ Հոգւոյդ .
այժմ և միշտ և յաւիտեանս
յաւիտենից . Ամէն :

Օրհնեալ Տէր մեր Յիսուս Քրիստոս .
Ամէն :

Հայր մեր , որ յերկինս ես ,
սուրբ եղիցի անուն քու Եկեսցէ
Արքայութիւն քու եղիցին կամք
քո որպէս յերկինս և յերկրի :
Զհաց մեր հանապաղորդ տուր
մեզ այսօր : Եւ թող մեզ ըդ-
պարտիս մեր , որպէս և մեք

թողնւմք մերոց պարտապա-
նաց : Եւ մի՛ տանիր զմեզ 'ի
փորձութիւն . այլ վրկեա' ըդ-
մեզ 'ի չարէ : Զի քո՛ արքա-
յութիւն , և զօրութիւն , եւ
փառք յաւիտեանս . Ամէն :

ՄԱՂԹԱՆՔ

Անկանիմք առաջի քո սուրբ
Աստուածածին , եւ աղաչեմք
զանարատ զկոյսդ . բարեխօ-
սեա' վասն տնձանց մերոց ,
եւ աղաչեա' զմիածին Որդիկ
փրկել զմեզ 'ի փորձութենէ
և յամենայն վտանգից մերոց :
Որ արձակիչդ ես կապելոց ,

պարտեւատու ամենեցուն, այսօր հայցմամբ ծերունւոյն՝ արձակեա, եւ զիս զբազմամեղս՝ ի կառանաց մահու ՚ի կեանսն յաւիտենից :

Մ. Ա. Թ. Ա. Ն. Բ.

ԸՆԴԴԵՄ

Ա. Բ. Հ. Ա. Ի. Ր. Ա. Ց. Հ. Ո. Յ. Ո. Յ.

Բ. Ա. Կ. Փ. Բ.

Բնկալ քաղցրութեամբ՝ Տէր Աստուած, հզօր, զգառնացողիս կամաչանունու, մսուիր գթութեամբ առ պատկառեալ դիմոք. իբարատեա, ամենապար-

գեւ, զտմօթական տխրութիւնը, բարձ յինէն, ողորմած, զանբերելի ծանրութիւնս, անջըրպետեա, հնարաւոր, զմահացու կրթութիւնս. աւարեա, միշտ յաղթող, զխարողին հաճութիւնս. բացատրեա, վերնային, զմոլելոյն մառախուղ. կնքեա, կեցուցիչ, զկորուսչին ընթացմունս ցրուեա, ծածկատես, զըմբռնովին չար գըստմունս. խորտակեա, անքըննին, զմարտողին դիմեցմունս. Տեառնագրեա քո անուամբգ զլուսանցոյց երդ յարկիս. պարփակեա քո ծեռամբրդ զառաստաղ տաճարիս. գծադրեա

քո արեամբով զմնւետ սեմոց
սենեկիս . կերպացովքո նշանդ
'ի հետս ելից մաղթողիս . ամ-
րացո քո աջովդ զհանդստեանս
խշտի . մաքրեսցես 'ի հաղբից
զծածկարան անկողնոյս . պա-
հեսցես քո կամօքդ զտառա-
պեալ անձն հոգւոյս . անխար-
դախ արասցես զքո չնորհեալ
չունչ մարմնոյս . կտցուացես
շրջափակ զպար զօրուդ երկ-
նայնոյ . կարգեսցես 'ի դիմի
ընդդէմդիւացն դասու : Տուր
հանդիստ բերկրութեան մա-
հահանգոյնս նիրհման 'ի խո-
րութեան դիշերիս , բարեխօ-
սութեամբ հայցուածոց սրբոյ

Աստուածածնիդ եւ ամենայն
ընտրելոց : Ամիսովեալ պա-
րուրեա զպատուհան տեսու-
թեանց զգայարանացս իմաս-
տից անզարհուրելի զետեղ-
մամբ , 'ի ծփական խռովու-
թեանց՝ կենցաղական զբաղ-
մանց , անբջական երազոց , խօ-
լականաց ցնորից , յիշատակաւ
քո յուսոյդ անվետելի պաշտ-
պանեալ : Եւ սթափեալ վե-
րըստին 'ի ննջմանէ ծանրու-
թեան ամենազգաստ արթ-
նութեամբ , հոգենորոգ զը-
ւարթութեամբ 'ի քեզ արծա-
նացեալ , զայս ձայն մաղթա-
նաց բուրմամբ հաւատոց քեզ .

ամենօրհնեալ թագաւոր փառաց անձառից, փառաբանողաց երկնագումարի խմբից երգակցեալ, յերկինս առաքել։ Զի դու փառաւորեալ ես յամենայն արարածոց յաւիտեանս յաւիտենից։ Ամէն։



ՄԱՂԹԱՆՔ

ԱՌ ՈՐԴԻՆ Ա.ՍՏՈՒԱԾ

ԲԱՆ ԽԱ.

Որդի Աստուծոյ կենդանոյ օրհնեալ յամենայնի, Հօրդակաւորի անքննին ծնունդ, որ տկարանայ առ'ի քէն և ոչինչ. որ'ի ծագել անստուեր

նշուից ովարմութեանքո փառաց՝ հալին մեղք, հալածին դեւք, ջնջին յանցանք, խզին կապանք, խորտակին շղթայք, կենդանածնին մահացեալք, բժշկին հարուածք, ողջանան վէրք, բառնին ապականութիւնք, տեղի տան տիբրութիւնք, նահանջին հեծութիւնք, փախնու խաւարն, մեկնի մէգն, մերժի մառախուղն, փարատի մռայլն, ըսպառի աղջամուղջն, վերանաց մռթն, գնայ գիշերն, տտրագրի տագնապն, չքանան չարիքն, հալածին յուսահատութիւնքն, եւ թագաւորէ

ձեռն քո ամենակար, քաւիչդ
ամենայնի :

Որոշ եկիր կորուստնել ըզ-
մարդկան ոգիս, այլ կեցուցտ-
նել . թո'ղ ինձ զանթիւ չա-
րիսն իմ բազում ողորմու-
թեամբդ . զի դու միայն եռ
յերկնի անձառ, և յերկրի ան-
զննին, 'ի տարր գոյի, և յեզրա-
ծագաց աշխարհի, սկիզբն ա-
մենայնի եւ յամենայնի ամե-
նայն լրմամբ օրհնեալ 'ի բար-
ձունս, եւ քեզ ընդ Հօր եւ
Հոգւոյդ Սրբոյ վայելէ փառք
յաւիտեանս . Ամէն :



ՄԱՂԹԱՆՔ

Ի ԳԻՒԱՑ ՊԱՀՊԱՆՈՒԹԵԱՆ

ԲԱՆ ՀԴ.

Աստուած յաւիտենական ,
բարերար եւ ամենակալ , ըս-
տեղծիչ լուսոյ և յօրինիչ գի-
շերոյ , կեանք 'ի մահու , եւ
ըյս 'ի խաւարի , յոյս ակն ու-
նողաց , եւ երկայնմտութիւն
տարակուսելոց . որ ամենա-
բռնեստ իմաստութեամբ քո
դարձուցանես յայդ զստուերս
մահու , աննուազ ծագումն
և անմուտ արեգակն . քանզի
ոչ զօրէ ծածկել զփառս տէ-
րութեան քո խաւար գիշերոյ .

որում կրկնի ծունք երկրապա-
դութեան ամենայն եղելոց՝
երկնաւորաց եւ երկրաւորաց
և սանդարամետականաց . որ
լաեմ զհեծութիւն կատելոց ,
և հայիս յաղօթս խսնարհաց ,
և ընդունիս զիսնդրուածս նո-
ցա , Աստուած իմ և թագա-
ւոր իմ , կեանք իմ և ապաւէն
իմ , յոյս իմ և վստահութիւն
իմ , Յիսուս Քրիստոս Աստ-
ուածդ ամենայնի , սուրբդ
հանգուցեալ 'ի հոգիս սրբոց ,
միտիթարութիւն վշտաց և քա-
ռարտն մեղուցելոց . որ գի-
տես զամենայն յառաջ քան
գլինել նոցա . տռաքետ' բղ-

պահպանողական զօրութիւն
աջոյ քո , և փրկեա զիս յեր-
կիւդէ գիշերի և 'ի գիւէ չարէ:
Որպէս զի զյիշատակ սոսկալի
եւ սուրբ քո անուանդ միշտ
համբուրեալ շրթամբքհոգւոյ՝
ըղձութեան չնչոյ , կեցից պահ-
պանեալ ընդ այնոսիկ՝ պրկար-
դան զքեզ 'ի բոլոր սրտէ :
Եւ 'ի գրոշմէ Աաչի քոյսյ
նշանիդ , զօր Աստուածային ա-
րեամբ քո ներկեալ նորոգե-
ցեր , և 'ի նոյն չնորհ որդեգը-
րութեան զմեզ մկրտեցեր , և
'ի փառս պատկերի քո նկա-
րեալ յօրինեցեր . այսու պար-
գեւօք աստուածականօք ա-

մաշեսցէ ստատունսոյ, քտկտեն-
ցին մեքենայքն, բարձցին որո-
գայթքն, պարտեսցին մարտու-
ցեալքն, պակասեսցին զէնքն
սայրասուրք, մերժեսցի մէգն,
փարատեսցի խաւարն, մեկ-
նեսցի մառախուղն : Բազուկ
քո հովանասցի, և աջ քո կըն-
քեսցէ . վասն զի գթած ես
և ոզորմած, և անդւն քո կո-
չեցեալէ՝ ի վերայ ծառայից
քոց : Եւ քեզ ընդ Հօր՝ Հոգ-
ւովդ Սրբով, մառք և իշխա-
նութիւն յաւիտեանս յաւիտե-
նից . Ամէն :



ԽՆԴՐՈՒԱԾՔ

Բ. Ն ԾԷ.

Քրիստոս Աստուած, անուն
ահաւոր, մեծութեան տեսակ,
անքննին բարձրութեան պատ-
կեր, անսահման զօրութիւն,
կերպարան փրկութեան լու-
սոյ, պաշտպան կենաց, դուռն
արքայութեան վերնում հան-
գըստեանն, ճանապարհ հան-
դարտութեան, ապաւինու-
թիւն նորոգ և անտխրական ե-
րանութեան, ամենակալ ինք-
նիշխանութիւն բոլոր էակա-
նութեան, օրհնութեան կոչու-
մըն, աւետեաց ձայն, բերկ-

րութեան բարիստ, անմահութեան գեղ, որդի անձառ՝ Աստուծոյ միոյ. որ ինձ անհնարին է, քեզ դիւրին է. որ ինձ անհասն է, քեզ սահմանեալ է. որ ինձ անանցն է, քեզ հպաւոր է. որ եղկելոյս ինձ ծածկեցեալն է, քումդերանութեան մերձաւոր է. որ ինձ անկարելին է, քեզ կատարեալ է. որ ինձ անկշռելին է, քեզ վատիքանն է. որ ինձ յուսահատութեանն է, քեզ սփոփիանաց է. որ ինձ անբժշկականն է, քեզ անվտանգելի է. որ ինձ հեծութեանն է, քեզ լոբն-

դութեան է. որ ինձ ծանունք են, քեզ թեթեւագոյնք են. որ ինձ եղծեալն է, քումդորեղութեան գրեցեալ է. որ ինձ կորուսեալն է, քեզ ըմբըռնեալ է. որ ինձ անձառն է, քեզ համարեալ է. որ ինձ մուայլն է, քեզ ճառագայթ է. որ ինձ անթիւն է, օրհնեալդ քում ձեռին բովանդակեալ է. որ ինձ սոսկալին է, քեզ հեշտալի է. որ ինձ փախչելին է, քեզ վանելի է. որ ինձ անմատոյցն է, քեզ դիւրահերքելի է. որ ինձ մահաբերն է, քումդէականութեան զօրութեան ընդ ոչ գոյսն համարեալ է:

Այլ դու , ողորմած Աստ-
ուած բոլորից Տէր Յիսուս
Քրիստոս , և այսմ զօրես առ-
ելիցն հնար՝ եթէ գթասցիս .
վասն անուան փառաց մեծու-
թեան Հօր քոյ օրհնելոյ , վասն
կամաց գթութեան Հոգւոյդ
քոյ Սրբոյ , տե՛ս 'ի տաժա-
նաւորս կրից յանդիմանական
յայտնութիւն , եւ 'ի խորոց
սրտիս ինքնամատոյց դատա-
խազութիւն . նոյեա' 'ի բնու-
թեանս ամենապատազ խա-
կութիւն , և պարգեւեա' բը-
ժըկութիւն վիրացս և հնարա-
ւորութիւն կորսուեանս , գեր-
ծումն բազմամասնեայ մահուս

եւ շաւիղ կենաց ապականե-
լոյս , նորոգութիւն եղծմանս և
մուտք յուսոյ ամբարշտելոյս :
Եթէ ես զաննմանն ինձ կամս
ցուցի , ո՞րչափ առաւել դու
զբնաւորականոդ քո զբնտանի
բարերարութիւնսդ . եթէ 'ի
փշոց պտուղընծայեցաւ քաղց-
րութեան , ո՞րչափ եւս առա-
ւել 'ի ծառոյդ կենաց՝ ճաշակ
անմահութեան . եթէ ես իմոց
ատելեաց ողորմութիւն մաղ-
թեցի , դու քոյս զիա՞րդ
ոչ կրկին մատուացես , հզօր ,
յաննուազ առատութենէդ :
Սրդ՝ տես 'ի քոյդ մեծու-
թիւն , բարձրեալ , նայեցեալ

՚ի յիմս փոքրկութիւն։ ընկալ
զսակաւ խոստովանութիւնս
անհամար մեղացս, որ զբնաւն
համայն տեսանես։ և որպէս
զիմին գթել ոչ գրեցեր, և
զաւազոյս փոքրու սասանիլ մի՛
համարեսցես. և իբր գթաւթին
ընդ մեղայն ասել՝ լուկոյն ան-
ցոցեր զալատիժ պարտուցն,
և առ իմ ձայնիո հեծութիւն՝
զնոյն գործեսցես երկայնմը-
տութիւն, որ տաս ամենե-
ցուն առատապէս անաշառու-
թեամբ, որպէս յաղթող բարի
բազմիմաստ, և ոչ նախատես
զյետնեալ ստրուկս։ Որպէս
ողորմած և ամենաստեղծ,

ոտացիր վերստին և մի՛ կորու-
սաներ զբուծեալս տրետմբ քո,
գթած։ Զի քո է փրկութիւն,
և ՚ի քէն է քաւութիւն. և Քեզ
վայելէ փա՛ռք յամենայնի՝
յաւիտեանս. Ամէն։



ԱՂՅԹԻ

ԻՒՐԱԳԱՆՉԻԻՐ ԱՆՉԻՆ

ՀԱՒԱՏԱՑԵԼՈՅ Ի ՔՐԻՍՏՈՍ

Հաւատուլ խոստովանիմ և
երկիրագանեմ քեզ՝ Հայր և
Որդի եւ Սուրբ Հոգի, անեղ
և անմահ բնութիւն, արարիչ
հրեշտակաց և մարդկան և ա-

մենայն եղելոց . և ողորմեա-
քո արարածոց և ինձ բազմա-
մեղիս :

Հաւատով խոստովանիմ և
երկիրպագանեմ քեզ՝ անբա-
ժանելի լոյս, միասնական սուրբ
երրորդութիւն և մի Աստուա-
ծութիւն . արարիչ լուսոյ եւ
հալածիչ խաւարի, հալածեա
'ի հոգւոյ իմմէ զխաւար մե-
ղաց և անգիտութեան, և լու-
սաւորեա զմիտս իմ 'ի ժամուս
յայսմիկ աղօթել քեզ 'ի հա-
ճոյս եւ ընդունել 'ի քէն ըզ-
ինդրուածս իմ, և ողորմեա :

Հայր երկնաւոր Աստուած
ձշմարիտ՝ որ առաքեցեր զՈՐ-

գիդ քո սիրելի 'ի խնդիր մո-
լորեալ ոչխարին . մեղայ յԵր-
իինս եւ առաջի քո . ընկալ
զիս որպէս զանառակ որդին
եւ զգեցո ինձ զպատմուճանն
զառաջին զոր մերկացայ մե-
ղօք . և ողորմեա :

Որդի Աստուածոյ Աստուած
ճշմարիտ՝ որ խոնարհեցար 'ի
հայրական ծոցոյ և առեր մար-
մին 'ի սրբոյ կուսէն Մարիա-
մայ վասն մերոյ փրկութեան :
խաչեցար թաղեցար և յար-
եար 'ի մեռելոց՝ եւ համբար-
ձար փառօք առ Հայր . մեղայ
յԵրկինս և առաջի քո . յիշեա
զիս որպէս զաւազակն յորժամ

գաս արքայութեամբ քով , և
ողորմեա :

Հոգի Աստուծոյ Աստուած
հշմարիստ՝ որ իջեր՝ ի Յորդա-
նան և 'ի վերնատունն և լու-
սաւորեցեր զիս մկրտութեամբ
սուրբ աւաղանին , մեղայ յեր-
իինս և առաջի քո . մաքրեա
զիս վերստին Աստուածային
հրով քով՝ որպէս հրեղէն լե-
զուօք սուրբ զԱռաքեալսն
և ողորմեա :

Անեղ բնութիւն՝ մեղայ քեզ
մտօք իմովք , հոգւով և մարմնով
իմով . մի՛ յիշեր զմեղս իմ զա-
ռաջինս վասն անուանով քում
սրբոյ : և ողորմեա :

Տեսող ամենայնի , մեղայ
քեզ խորհրդով բանիւ եւ
գործով . ջնջեա զձեռագիր
յանցանաց իմոց , և գրեա զա-
նուն իմ 'ի գլուխութեան կենաց .
և ողորմեա :

Քննող դաղտնեաց , մեղայ
քեզ կամայ և ակամայ , գիտու-
թեամբ եւ անգիտութեամբ .
թողութիւն շնորհեա մեղա-
ռորիս , զի 'ի ծննդենէ սուրբ
աւաղանին մինչեւ ցայսօր մե-
ղուցեալ եմ առաջի Աստուա-
ծութեանդ քո զգայարանօք
իմովք և ամենայն անդամօք
մարմնոյս . և ողորմեա :

Ամենախնամ Տէր , դիր պա-

հապան աչաց իմոց զերկիւղ քո
տուրբ ոչ եւս հայիլ յարատ,
և ականջաց իմոց ոչ ախորժել
լսել զբանս չարութեան, եւ
բերանոյ իմոյ ոչ խօսիլ զօր-
տութիւն, եւ սրտի իմոյ ոչ
խորհիլ զչարութիւն, և ձե-
ռաց իմոց ոչ գործել զանի-
րաւութիւն, և ոտից իմոց ոչ
գնալ 'ի ճանապարհս անօրէ-
նութեան. այլ ուղղեա զշար-
ժումն առցա լինիլ միշտ ըստ
պատուիրանաց քոց յամենայ-
նի. և ողորմեա
Հուր կենդանի Քրիստոս,
զհուր սիրոյ քո զոր արկեր
յերկիր բորբոքեա յանձն իմ.

զի այրեսցէ զախտ հոգւոյ ի-
մոյ, և սրբեսցէ զխիղն մտաց
իմոց, եւ մաքրիսցէ զմեղս
մարմնոյ իմոյ, եւ վառեսցէ
զլոյս գիտութեան քո 'ի սրտի
իմում. և ողորմեա
Խմաստութիւն Հօր Յիսուս
տուր ինձ իմաստութիւն ըզ-
բարիս խորհիլ եւ խօսիլ եւ
գործել առաջի քո յամենայն
ժամ. 'ի չար խորհրդոց՝ 'ի
բանից եւ 'ի գործոց փրկեա
զիս. և ողորմեա
Կամեցող բարկաց Տէր կատ
մարար, մի՛ թողուր զիտ 'ի
կամա անձին իմոյ գնալ, այլ
առաջնորդեա ինձ լինիլ միշտ

ընտկամաց քսց բարեսիրաց . և ողորմեաւ .
Արքայ երկնաւոր , առւրինձ
զարքայութիւն քո զոր խոս-
տացար սիրելեաց քոց . և զօ-
րացո զսիրա իմ ատել զմեղս ,
և սիրելզքեզ միայն , և առնել
զկամա քո . և ողորմեաւ :

Խնամօղ արարածոց , պա-
հեա նշանաւ Խաչի քո զհոդի
և զմարմին իմ 'ի պատրանաց
մեղաց , 'ի փորձութեանց դի-
ւաց , և 'ի մարդոց անիրաւաց
և յամենայն վտանգից հոգւոյ
և մարմնոյ . և ողորմեաւ :

Պահապան ամենայնինթիս-
տուն , տշ քո հովանիւթիցի 'ի

վերայ իմ 'ի տուէ և 'ի գիշե-
րի , 'ի նստիլ 'ի տան , 'ի գնալ
'ի ճանապարհ , 'ի ննջել և 'ի
յառնել , զի մի' երբէք սա-
սանեցայց . և ողորմեաւ :

Աստուած իմ , որ բանաս
զձեռն քո և լնուս զամենայն
արարածս ողորմութեամբ քով .
քեզ յանձն պոնեմ զանձն իմ .
դու հոգա եւ պատրաստեա
զսլէտս հոգւոյ և մարմնոյ ի-
մոյ յայսմհետէ մինչեւ յաւի-
տեան . և ողորմեաւ :

Դարձուցիչ մոլորելոց , դար-
ձո զիս 'ի չար սովորութեանց
իմոց 'ի բարի սովորութիւն ,
և բեւեռեա 'ի հոգի իմ ըզ-

սոսկալի օր մահուն և գերկիւղ
գեհենոյն եւ զաէր արքայուռ
թեանն, զի զղջացայց՝ ի մե-
ղաց և գործեցից զարդարու-
թիւն, և ողորմեա:

Աղբիւր անմահութեան, աղ-
բերացո՝ ի սրտէ իմմէ զարտա-
սուս ապաշխարութեան որպէս
պոռնկին՝ զի լուացից զմեղս ան-
ձին իմոյ յառաջ քան զելանելն
իմ յաշխարհէս, և ողորմեա:

Պարգեւիչ ողորմութեան,
պարգեւեա՛ ինձ ուղղափառ
հաւատով եւ բարի գործով,
և սուրբ մարմնոյ և արեան քո
հաղորդութեամբն գալ առ
քեզ, և ողորմեա:

Բարերար Տէր, հրկչոտակի
թարւոյ յանձն արամցես զիս,
քաղցրութեամբ աւանդել ըզ:
հոգի իմ, և անխոռով անցու-
ցանել ընդ չարութիւն այսու-
ցըն՝ որք են՝ ի ներքոյ երկ-
նից, և ողորմեա:

Լոյս ճշմարիտ Քրիստոս,
արթանաւորեա զհոգի իմ ու-
րախութեամբ տեսանել զլոյս
փառաց քոց՝ ի կոչման աւու-
րըն. և հանգչել յուսով բա-
րեաց յօթեւանս արժարոց
մինչեւ յօր մեծի գալստեան
քո, և ողորմեա:

Դատաւոր արդար, յոր
ժամանակ գալստոք Հօր՝ ի դա-

տել զիւնդանիս և զմեռեալս,
մի՛ մտաներ՝ ի դատաստան
ընդ ծառայի քում, այլ վըր-
կեա զիս՝ ի յաւիտենական հը-
րոյն, եւ լսելի արա ինձ զե-
րանաւէտ կոչումն արդարոց
յերկնից արքայութիւնդ. եւ
ողօրմեա:

Ամենողորմ Տէր, ողօրմեա
ամենայն հաւատացելց՝ ի քեզ
իմոց եւ օտարաց, ծանօթից
եւ անծանօթից, կենդանեաց
և մեռելց. չնորհեա և թըշ-
նամեաց իմոց և ատելեաց ըշ-
թողութիւն որք առիս յանցա-
նացն, և դարձո զնոսա՝ ի չո-
րեացն զոր ունին վասն իմ,

զի ողորմութեանդ քում ար-
ժանի եղիցին. և ողօրմեա:

Փառաւորեալ Տէր, ընկալ
զաղաչանս ծառայիս քո, և կա-
տարեա՝ ի բարի զինդրուածս
իմ՝ բարեխօսութեամբ սրբուհ-
ւոյ Սատուածածնին, և Յովհան-
նու. Մկրտչին, և սրբայն Ստե-
փաննոսի նախավկային և սրբոյն
Գրիգորի մերոյ Լուսաւորչին.
և սրբոց Առաքելոց, Մարդա-
բէից, Վարդապետաց, Մարտի-
րոսաց, Հայրապետաց, Ճգնա-
ւորաց, Կուսանաց, Միանձանց,
և ամենայն Սրբոց քոց երկնա-
ւորաց և երկրաւորաց; Եւ քեզ
փառք եւ երկրագութիւն

անբաժանելի սուրբ Երբարդու
թեանդ՝ յաւ խոեանս յաւ խոե-
նից . Ամէն :

ՄԱՂԹԱՆՔ

Վասն սրբուհոյ Աստուածած-
նի բարեխօսութեանն, Տէր, ըն-
կալ զաղաչանս մեր, և կեցո զմեզ,
մայզու ամփաքիսան համանի
մեջաւաս :

ՔԱՐՈԶ

Սուրբ զԱստուածածինն և զա-
մենայն սուրբս բարեխօս արաս-
ցուք առ Հայրի յերկինս, զի
կամեցեալ ողօրմեսցի՝ և գթա-
ցեալ կեցւոցէ զարարածս իւր;
Ամենակալ Տէր Աստուած մեր
կեցո և ողօրմեա :

ԱՂՕԹՔ

Հնկալ, Տէր, զաղաչանս մեր,
բարեխօսութեամբ սուրբ Աս-
տուածածնին անարատ ծնողի
միածնի Որդւոյքոյ, և ազաշանօք
ամենայն սրբոց քոց, և որոց այ-
սօր է յիշատակ, Լուր մեզ, Տէր,
և ողօրմեա, ներեա, քաւեա և
թող զմեղս մեր: Արժանաւորեա
գոհութեամբ փառաւորել ըզ-
քեզ ընդ Որդւոյ և ընդ Սրբոյ
Հոգւոյդ: այժմ և միշտ և յա-
ւիտեանս յաւ խոենից . Ամէն :

Օրհնեալ Տէր մեր Յիսուսօ Քրիստոսն
Ամէն:
Հայր մեր, որ յերկինս :

ՄԱՆԹԱՆՔ

Զհանգստեան զազօթս եւ
զաղաչանս՝ ընկալ մարդասէր
Աստուած, 'ի հաճոյս բարերար
կամաց քոց։ Մեր մեղաց եւ
բազում յանցանացն թողու-
թիւն չնորհեա, և քեզ փառք
յաւիտեանս։ Ամէն։

Փառք քեզ, Տէր Աստուած
մեր, որ պարդեւեցեր զօրս
զայս բարեաւ եւ խաղաղու-
թեամբ անցուցանել։

Մարդասէր Աստուած, զա-
ռաջիկայ գիշերս որ 'ի վերայ
մեր գալոցէ՝ 'ի մեղաց փրկեա,
'ի չարեաց ազատեա, եւ 'ի
գործս բարիս առաջնորդեա։

Աւաւօտու օրհնութեանցն և
վառաբանութեանցն՝ արժանի
արա զամենայն հաւատացեալս
անուանդ քում սրբոյ, և պա-
հեա 'ի խաղաղութեան։

Տէր Աստուած մեր, տուք զքո
խաղաղութիւնդ ամենայն աշ-
խարհի բարձ զցասումն և զպա-
տուհասն 'ի յարարածոց քոց։

Ողորմեաց հարց և եղբարց
մերոց կենդանեաց եւ հան-
գուցելոց։

Ողորմեաց զեկեզեցի շինո-
ղաց, երախտաւորաց, պտղա-
տուից, սոլասաւորաց, և այնո-
ցիկ՝ որք ընդ հովանեաւ սրբոյ
եկեղեցւոյ են հանգուցեալ։

Տէր Ասայիւած, օդնեա թա-
գաւորացն քրիստոնէից և իշտ
խանացն բարեմաշտից՝ զօրաց
եւ զաւակաց նոցին՝ պահելով
'ի խաղաղութեան։

Տէր Աստուած մեր, պահեա
զառաջնորդս եւ զեղբայրու-
թիւնս մեր, ամբողջ և անխռով
'ի կամս ողսրմութեան քո։

Նշանաւ սուրբ և պատուա-
կան Խաչի քո, հալածեա զերե-
ւելի և զաներեւոյթ թշնամին
'ի սահմանաց մերոց և 'ի բնա-
կութենէս մերմէ փրկեա զմեզ
'ի հրսյն յաւիտենից, եւ քեզ
փառք յաւիտեանս։ Ամէն։



th u.p

0015327

2013

2001

Ազգային գրադարան



NL0015327

